



三禮考註卷之七

周禮

小行人掌邦國賓客之禮藉以待四方之使者令諸侯春入貢秋獻功王親受之各以其國之籍禮之凡諸侯入王則逆勞于畿及郊勞胝茀將幣為承而擯

禮籍請名位尊卑之書也貢謂六服所貢功謂考績之功入王朝于王也為承而擯謂宗伯為上擯小行人為次擯也凡四方之使者大客則擯小客則受其幣而聽其辭使適四方協九儀賓客之禮朝覲宗遇會同君之禮也存獮省聘問臣之禮也達天下之六節山國用虎節土國用人節澤國用龍節皆以金為之道路用旌節門關用符節都鄙用管節皆以竹為之

道路謂鄉遂大夫也都鄙者公之子弟及卿大夫采地之吏也管節如今之竹使符其有商者通之以符節如門關節之用竹者竹有自然之節將命者期於無失節也達天下之六節謂使之四方亦皆齋法式以齊等之也

成六瑞王用珽圭公用桓圭侯用信圭子用穀璧男用蒲璧合六幣圭以馬璋以皮璧以帛琮以錦琥以繡璜以黼此六物者以和諸侯之好故璜音鎮璜音周璜音黃好呼報反

成平也瑞信也皆朝見所執以為信也合同也六幣所以享也五等諸侯享天子用璧享后用琮其大各如其瑞皆有庭實以馬與皮用圭璋者二王之後也用璧琮諸侯也用琮璜子男也圭璋以下其大小各降其瑞一等

若國札喪則令賻補之若國凶荒則令調委之若國師役則令槁禴之若國有福事則令慶賀之若國有禍裁則令哀之凡此五物者治其事故槁苦報反禴音會

賻補之謂賻喪而補其不足也若漢世一室二尸則官與之棺是矣槁謂槁師也禴謂隣國有寇難則合會財貨以與之如春秋歸粟于蔡是矣

及其萬民之利害為一書其禮俗政事教治刑禁之逆順為一書其悖逆暴亂作慝猶犯令者為一書其札喪凶荒厄貧為一書其康樂和親安平為一書凡此五物者每國辨異之以反命于王以周知天下之故樂音洛

萬民之利害謂若禁國則某事為民便某事為民害也逆順

者遵王法爲順背王法爲逆也悖逆至犯令謂人之爲惡者也札喪凶荒厄貧謂人之不幸而遇災者也康樂和親安平謂其人之爲善而又有福慶者也以此五者詢問諸國別而書之使王得以周知若民利興政俗善惡人少裁禍弭福慶集則治可知也反是則不治矣

司儀掌九儀之賓客擯相之禮以詔儀容辭令揖讓之節將合諸侯則令爲壇三成宮旁一門詔王儀南鄉諸侯士揖庶姓時揖異姓天揖同姓及其擯之各以其禮公於上等侯伯於中等子男於下等其將幣亦如之其禮亦如之相去聲鄉音向

出接賓曰擯入贊禮曰相以詔者以禮告王也儀以文言容以貌言達意曰辭參合乎上曰令以手拱人曰揖先已後人

曰讓合諸侯有事而會也爲壇謂作壇於國外以命事也三成者三重也宮謂遺土以爲墻象也覲禮曰諸侯覲於天子爲宮方三百步每旁一門壇十有二尋深四尺是也王春帥諸侯拜日於東郊則爲壇於國東夏禮日於南郊則爲壇於國南秋禮山川丘陵於西郊則爲壇於國西冬禮月四瀆於北郊則爲壇於國北既拜禮而還加方明於壇上而祀焉所以教尊尊也詔王儀謂王既祀方明諸侯上介皆奉其君之旂置于宮乃詔王升壇諸侯皆就其旂而立也諸公中階之前北面東上諸侯東階之東西面北上諸伯西階之西東面北上諸子門東北面東上諸男門西北面東上王揖之者定其位也庶姓無親者也士揖下手揖之也異姓王外親也時

揖平手揖之也同姓王族也天揖舉手揖之也及其擯謂諸侯執玉見王時也各以禮者謂擯公者五人侯伯四人子男三人上等等下等謂奠玉康也壇三成深四尺則一等一尺也壇十有三尋方九十六尺則堂高二丈四尺每等丈二尺諸侯各於其等奠玉降拜升成拜明臣禮也既乃升堂授王玉將幣謂享也禮謂王以鬱鬯裸之也皆於其等之上王燕則諸侯毛

謂以須髮之黑白分坐次之尊卑也朝事尊尊尚爵也燕則親親尚齒也

凡諸公相爲賓主國五積三問皆三辭拜受皆旅擯再勞三辭三拜受拜送

相爲賓謂相朝也積謂賓停止而致米粟之屬問謂問關則問之三辭辭以禮來也旅擯謂九人傳辭相授於上下也一曰旅讀爲鴻臚之臚旅陳也賓之介九人使者七人皆陳擯位不傳辭也賓之上介出請使者則前對位皆嘗其末擯焉勞謂慰勞其行道之勤也三揖謂庭中時也拜三請送使者此一節從來至去其禮如是皆卿大夫致之

主君郊勞交擯三辭車逆拜辱三揖三辭拜受車送三還再拜致館亦如之致殮如致積之禮

主君郊勞蓋禮有三勞其再勞皆卿大夫及三勞則君親也交擯三辭者謂各陳九介使傳辭而賓主之擯俱三辭也車逆者賓以主君親來乘車出舍門迎之若欲遠就之也拜辱

者賓拜謝其自屈辱來也三揖三辭辭讓而後升堂也車送  
三還謂賓出車若欲遠送而主君三還辭之也食曰殮小禮  
也故但遣大夫如致積之禮

及將幣交擯三辭車逆拜辱賓車進答拜三揖三讓每門止一  
相及廟唯上相入賓三揖三讓登再拜授幣賓拜送幣每事如  
初賓亦如之及出車送三請二進再拜賓三還三辭告辭賓拜

音擯辭音辭

將幣請賓致幣以享主君也交擯謂主迎賓入廟門交擯以  
傳辭也三辭賓三辭主之迎也車逆拜辱主君乘車出大門  
迎賓而拜辱也賓車進答拜謂賓車進前下答拜也三揖三  
讓讓入門也相謂主君擯者及賓之介也相者於外傳辭入

門當以禮詔侑也每門止一相彌相親也然所謂止之者蓋  
亦絕行在後爾賓三揖三讓讓升也授幣之授當作受主人  
拜至且受玉也每事如初謂享及有言之時也賓亦如之賓  
讀如擯謂以鬱鬯禮賓也上於下曰禮敵者曰擯及出車送  
送賓也三請二進謂請賓就車每一請則車一進欲遠送之  
也三還三辭謂主君一請者賓亦一還一辭食音嗣

致饗餼還主享食致贈郊送皆如將幣之儀

熟食曰饗生物曰餼致者主致之賓也此六禮者唯饗食遠  
賓爾其餘則主君親往是特賓爲主人主人爲賓君或有故  
不親饗食則使大夫以酌幣侑幣致之也還主謂歸其玉也  
蓋聘以圭璋者禮也享以璧琮者財也已聘而還圭璋輕財

而重禮也致贈謂送之以財傳所謂贈賄者是也

賓之拜禮拜饗餼拜饗食賓繼主君皆如主國之禮

賓之拜禮因言賓所當拜之禮也賓繼主君謂僨主君也僨之者謂主君郊勞致館饗餼還圭致贈郊送之時也如其禮謂玉帛皮馬也唯饌陳之積不如主國之禮賓或饗食主君及燕則亦速之也

諸侯諸伯諸子諸男之相爲賓也各以其禮相待也如諸公之儀諸公之臣相爲國客則三積皆三辭拜受及大夫郊勞旅擯三辭拜辱三讓登聽命下拜登受賓使者如初之儀及退拜送致館如初之儀

相待也如諸公之儀謂賓主相待與諸公同饗餼享食有隆

殺也登聽命謂賓登堂也

及將幣旅擯三辭拜逆客辟三揖每門止一相及廟唯君相入

三讓客登拜客三辟授幣下出每事如初之儀

客辟者逡巡不答拜也唯君相入者客乃臣也故其相不敢

入矣客登拜謂客登之時主君拜其至也客三辟謂三退而

負序也

及禮私面私獻皆再拜稽首君答拜出及中門之外問君客再

拜對君拜客辟而對君問大夫客對君勞客客再拜稽首君答

拜客趨辟

禮以醴禮客私面私覲也既覲則有私獻中門之外大門內

也問君曰君不恙乎對曰使臣之來寡君命臣于庭問大臣

曰二三子不恙也對曰寡君命使臣于庭二三子皆在勞客  
曰道路悠遠客甚勞勞介曰二三子甚勞

致饗餼如勞之禮饗食還主如將幣之儀君館客客辟介受命  
遂送客從拜辱于朝明日客拜禮賜遂行如入之積從才用反  
君館客者客將去就省之盡殷勤也遂送者君拜以送客也  
禮賜謂乘禽君之嘉惠也如入之積從來至去凡三積也乘

繩誼反

凡侯伯子男之臣以其國之爵相爲客而相禮其儀亦如之凡  
四方之賓客禮儀辭命餼牢賜獻以二等從其爵而上下之凡  
賓客送逆同禮凡諸侯之交各稱其邦而爲之幣以其幣爲之  
禮凡行人之儀不朝不夕不正其主面亦不背客稱尺誼反

上下猶豐殺也幣猶享幣也行人之儀謂擯相傳辭時也不  
朝不夕謂不正東向不正西面也不正其主面亦不背客謂  
常視賓主之前卻而兩面之也

行夫掌邦國傳遽之小事微惡而無禮者凡其使也必以旌節  
雖道有難而不時必達居於其國則掌行人之勞辱事焉使則  
介之傳張戀反遽其庶反難乃日反焉音夷

行夫所主國使之禮傳遽若今時乘傳而使者微福慶也惡  
喪亂也道有難而不時謂遭疾病他故不以時至也必達者  
王命不可廢也夷發聲夷使使於四夷者大小行人而行夫  
主爲之介故曰使則介之

天府掌祖廟之守藏與其禁令凡國之玉鎮大寶器藏焉若有



大祭大喪則出而陳之既事藏之守藏並去声

藏庫藏也祖廟后稷之廟玉鎮大寶器謂若赤刀大訓弘塵  
琬琰大玉夷玉天球河圖舞衣大貝鼗鼓充之戈和之弓瑘  
之竹矢之類

凡官府鄉州及都鄙之治中受而藏之以詔王察群吏之治中

治中者計治之書也與玉鎮同藏者民為國之寶也吏尤親  
於民也如登賢能之書者教也登民殺之數者政也計獄弊  
之訟者刑也無非治中之書也於此詔王察之則吏道益謹  
民心益固可以永保天命而玉鎮寶器為可守矣

上春釁寶鎮及寶器凡吉凶之事相廟之中沃盥執燭季冬陳

玉以貞來歲之熾惡若遷寶器則奉之

上春孟春建寅之月也釁殺牲以血塗之也吉事四時祭也  
凶事有喪朝于祖廟之奠也釁之者以神道敬之也問事  
之正曰貞季冬建丑之月乃除舊布新之時陳玉禮神以問  
來歲之美惡敬神命也遷寶器者有故而遷也

若祭天之司民司祿而獻民數殺數則受而藏之

天文志云司民之軒轅角其十七星之兩角有大民小民司  
祿為文昌下能之六星先王於祭二星之時而獻民數殺數  
者知國本之所在矣

典瑞掌玉瑞玉器之藏辨其名物與其用事設其服飾藏云

執於人曰瑞若鎮圭之等是也禮於神曰器若四圭之等是

也名物即鎮圭之類名以命之物以色之用事朝日之類服飾纁藉之類

王晉大圭執鎮圭纁藉五采五就以朝日晉與摺同謂拜於神帶之間纁讀爲藻

大圭不瑑象天道之質朝日次於祀天故晉之鎮圭瑑四鎮之山有鎮安四方之義用以朝日故執之玉人曰大圭長三尺行上終葵首天子服之服之者晉之也又曰鎮圭尺有二寸天子守之守之者執之也纁藉謂之服飾則成於組就用以籍玉倍五色則謂之五采采色一成為一就五就則五色皆成以日爲衆陽之宗有參天地之功故用大圭鎮圭纁藉也古者春朝朝日秋暮夕月倍陰陽之義也此言朝日而不

及夕月者專陽卑陰也言朝日則夕月之禮可知矣瑑音篆刻也行上終葵首者行殺也終葵首謂大圭之上近首殺去之留首不去處爲椎頭齊人名椎爲終葵故名圭首爲椎頭者爲終葵首也

公執桓圭侯執信圭伯執躬圭纁皆三采二就子執穀璧男執蒲璧纁皆二采再就以朝覲宗遇會同于王諸侯相見亦如之此圭璧繼於鎮圭之後即大宗伯之以玉作六瑞者也然上公九命故桓圭九寸此命數也纁藉所以籍圭璧而降殺寓焉三采朱白蒼二采朱綠也

瑑圭璋璧琮纁皆二采一就以覲聘

瑑圭璧上起若篆文之形刻止曰圭半圭曰璋琮之言宗八

方所宗故八方中虛員以應無窮德象也大夫衆來曰覲寡  
來曰聘此諸侯遣臣聘覲於天子者也五等諸侯以袒及蒲  
穀飾其圭璧而其臣持瑑之而已五等諸侯或三采三就或  
二采再就而其臣特二采一就而已此尊卑之有分也  
四圭有邸以祀天旅上帝兩圭有邸以祀地旅四望邸音抵  
邸本也以璧爲邸而圭出四旁玉人言四圭尺有二寸兩圭  
五寸是二者各爲一器邸者謂邸以璧琮猶托宿之邸也則  
是四青圭而托於蒼璧兩青圭而托於黃琮也大宗伯之六  
器以蒼璧禮天以黃琮禮地蓋璧圓象天而四圭以象天道  
之全琮方象地而兩圭以象地道之偶旅者通用之也蓋旅  
以上帝四望爲主而謂之大旅則天地神示以下皆與於祭

此所以兼用禮天地之玉也

裸圭有瓚以肆先王以裸賓客

圭頭爲器可以挹鬯裸祭謂之瓚瓚槃大五升口徑八寸下  
有槃口徑一尺裸而後肆解牲體以爲饋食者也

圭璧以祀日月星辰璋邸射以祀山川以造贈賓客射食亦反  
刻也造去聲造贈謂造詣贈之也

一圭而邸以璧故謂之圭璧璧圓象天而一圭所邸於天道  
爲不足故以祀日月星辰半圭爲璋而邸以琮射劍以貫之  
故曰璋邸射琮方象地而半璧所邸於地道爲不足故以祀  
山川造贈賓客日月星辰成象於天其用則一而山川賓客  
何以同其玉山川有阻固之功賓客有藩屏之功此所以不

嫌其爲同也

土圭以致四時日月封國則以土地

土圭尺有五寸以致日以土地而求地中故曰土圭以致四

時日月者其景至不至以知其行得失也冬夏以致日秋

冬以致月土地猶度地也封諸侯以土圭度日景觀分寸長

短以制其所以所封也度待洛反

珍鎮圭以徵守以恤凶荒牙璋以起軍旅以治兵守徵守之守

音律

珍當作鎮以徵守恤凶荒者以徵召守國諸侯以府庫發倉

廩以恤民之凶荒牙璋琢其璋爲齒牙之象以起軍旅治兵

守者出征則以起軍旅而討有罪守國則以治兵守而防患

難

璧羨以起度

古人之度在樂則起於黃鍾在禮則起於璧羨璧之圓凡九

寸以其旁之一寸而羨其上下則橫徑八寸而袤十寸以十

寸之尺而起度則十尺爲丈十丈爲引以八寸之尺而起度

則八尺爲尋倍尋爲常使度或不存天下後世因璧羨而可

考則王者之五度信矣

駟圭璋璧琮琥璜之渠眉疏璧琮以斂尸駟與組同斂去聲

澄按古先帝王皆無丘壠之處至秦始皇尚侈糜塋塚之上

宿草未合而發之者至矣漢文薄葬治霸陵用瓦器不飾以

金西都之末群盜蜂起漢之諸陵盡伐而霸陵獨存孰謂周

公而肯爲秦皇之謬行而不加漢文之儉德邪歛尸以玉決  
非周公送終之禮

穀圭以和難以聘文難乃旦反

穀善也圭之飾若粟文故曰穀

琬圭以治德以結好琰圭以易行以除慝好行皆去聲

凡圭形皆上銳琬圭則圓其銳而無鋒芒之刺以和順爲義  
也琰圭則刻其末而有鋒芒之利以剛斷爲義也凡諸侯之  
有善德者天子遣人以琬圭旌表之及諸侯使其臣來聘亦  
執此以命事凡諸侯之有過行者天子遣人以琰圭詰責之  
及諸侯使其臣來覲亦執此以命事然交好本於執德之不  
回故治德爲大而結好次之邪慝生於率行之不謹故易行

爲大而除慝次之此其先後之序固與利同

大祭祀大旅凡賓客之事共其玉器而奉之大喪共飯玉合玉  
贈玉凡玉器出則共奉之飯上聲合去聲

共者供其物也奉者奉其事也此職皆言玉瑞玉器之名物  
用事而於職未言之供之奉之者重事也

司服掌王之吉凶衣服辨其名物與其用事王之吉服祝昊天  
上帝則服大裘而冕祀五帝亦如之享先王則衮冕享先公饗  
射則鷩冕祀四望山川則毳冕祭社稷五祀則希冕祭群小祀  
則玄冕希陟里反

用事謂祭祀視朝甸凶吊之事先公后稷之後大王之前不  
窋至諸塾饗射饗食賓客與諸侯射也群小祀林澤墳衍四



也擬於吉也經書天王唯於此喪事一見之謹終之義也諸侯之於天王王后有父母之道焉故服斬衰齊衰王於諸侯亦有子之道焉故服有錫衰緦衰疑衰之等差也素服如喪禮恐懼修省之意與膳夫言不舉之意同易以政反

公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服卿大夫之服自玄冕而下如孤之服其凶服加以大功小功士之服自皮弁而下如大夫之服其凶服亦如之其齊服有玄端素積

衣有襦裳者爲端端者取其正也士之衣袂皆二尺二寸而屬幅是廣袤等也其袷尺二寸大夫以上侈之侈之者蓋半

而益一焉半而益一則其袂三尺三寸袷尺八寸上經言王之吉服雖兼諸侯之五服而有文章小章之辨至此言諸侯諸臣之六服亦各以文章小章爲等至如王之孤卿大夫士與諸侯之孤卿大夫士其爵雖同而命數之隆殺亦有大章小章之辨

凡大祭祀大賓客共其衣服而奉之大喪共其復衣服斂衣服奠衣服歛衣服皆掌其陳序

司裘 內司服

澄按此天官也司裘與司服之職相近宜相附麗若夫內司服則又有說焉大抵六卿之屬官或別以小大或別以內外如內饗即有外饗內府即有外府內史即有外史今既有內

司服必有外司服故內司服掌王后之服而司服掌王之服然則春官司服合加外字而居於此之前

司裘掌爲大裘以共王祀天之服中秋獻良裘王乃行羽物季秋獻功裘以待頒賜

大裘者黑羊裘服之以祀天示質也良裘者王所服之善裘也功裘者謂人功治之者仲秋獻良裘之時則蔚羅可設故行羽物以順陰陽之始季秋獻功裘之後則霜露既降故特頒賜以禦寒氣之盛

王大射則共虎侯熊侯豹侯設其鵠諸侯則共熊侯豹侯卿大夫則共麋侯皆設其鵠共音供鵠音各

大射因祭而射也王將有郊廟之車以射擇諸侯群臣及貢

士可與祭者也侯者其所射也以虎熊豹麋之皮飾其側又方制之以爲臯謂之鵠著于侯中所謂皮侯也王之大射虎侯王所自射也熊侯諸侯所射豹侯群臣所射卿大夫之大射麋侯君臣共射焉凡此侯道虎九十弓熊七十弓豹與麋五十弓所射之正曰侯者天子中之則能服諸侯諸侯中之則得爲諸侯也九十弓者侯中廣丈八尺七十弓者侯中廣丈四尺五十弓者侯中廣一丈考工記曰梓人爲侯廣與崇方參分其廣而鵠居一焉然則侯中文八尺者鵠方六尺侯中文四尺者鵠方四尺六寸大半寸侯中一丈者鵠方三尺三寸少半寸謂之鵠者取名于鵠鵠鵠小鳥而難中是以中之爲雋也又曰鵠之言較較者直也射所以直已志也用



虎熊豹麋之皮示服猛討迷惑者鄭康成曰方十尺曰侯四尺曰鶻二尺曰正四寸曰質音準鶻音干

大喪斂裘飾皮車凡邦之皮事掌之歲終則會唯王之喪與其皮事不會

斂裘陳列其裘也一曰象似而作之也凡為神之偶衣物皆小於平時所用者皮車遣車之革路明器中所用者

內司服掌王后之六服褙衣揄狄闕狄鞠衣展衣緣衣素沙音暉揄音遙緣音段

褙衣者畫翬也爾雅所謂伊洛而南雉之素質五色皆備而成章者曰翬王后之服刻繒為之形而采畫之綴於衣以為文章也揄狄當為翟亦雉之名江淮而南雉之青質五色

皆備成章者曰揄揄即搖也闕狄則當刻繒而不畫者此三者皆祭服后從王而祭先王則服褙衣祭統曰君卷冕立于阼夫人副褙立于東房是也其祭先公則服揄狄祭群小祀則服闕狄漢世后有圭衣者蓋亦三翟之遺俗歟鞠衣黃桑服也色如鞠塵象桑葉始生月令三月薦鞠衣于上帝是也展衣白衣也后以禮見王及賓客之服展當為禮緣衣緣當作祿御于王之服亦以燕居者也祿即今綃章說文云鮮色也蓋絲織而成不刻不畫者素沙今之白綃衣也謂之沙者竊意即今之紗夏月所服也六服皆袍制以白綃為裏推其色則褙衣玄揄狄青闕狄赤鞠衣黃展衣緣衣未見其色卷古本反

辨內外命婦之服鞠衣展衣緣衣素沙凡祭祀賓客其后之衣服及九嬪之世婦凡命婦其其衣服其喪衰亦如之后之喪其其衣服凡內具之物

內命婦之服九嬪鞠衣世婦展衣女御緣衣外命婦之服孤之妻鞠衣卿大夫之妻展衣士之妻緣衣三夫人及公之妻其闕狄以下乎侯伯之夫人揄狄子男之夫人亦闕狄唯二王後褙衣內具之物生時所用紛帨綿纈擊裘之類所以見事死如事生之意帨如鏡反裘陳乙反

節服氏掌祭祀朝覲衮冕六人維王之大常諸侯則四人其服亦如之郊祀裘冕二人執戈送逆尸從車

澄按此夏官也掌王祭祀朝覲之事非禮官之屬邪合禮于

此夫一人之尊勢官位崇者聲名文物之異於諸臣也今乃與侍御者同服裘冕裘冕何邪况當奉祀之際齊明盛服充異於常而乃下與侍御之臣同服錯亂等威將何以感格神示哉是知衮冕裘冕四字當刪節服者使王之服中節也維維之以縷王建大常之旗六人維之則一畔有三人持之也諸侯建交龍之旗四人維之則一畔有兩人持之也送尸迎尸皆執戈而從

弁師掌王之五冕皆玄冕朱裏延紐五采纁十有二就皆五采王十有二玉笄朱紘

澄按此亦夏官也掌王之冕弁非禮官之屬而何 五冕衮冕至玄冕也舊註言冕服有六而言五冕者大裘之冕無旒

此說非也郊祀而用大裘仍被裘衣於上而冕即十二旒者也安有無旒之冕哉延冕上覆也紐小鼻在武上笄所貫也纁藻同雜文之名也合五采絲爲繩垂於延之前後各十二所謂邃延也就成也繩之每一串而貫五采玉焉十二旒則十二玉也每就之間廣皆一寸朱紘謂以朱紘爲下紘也衮衣之冕十二旒則用玉二百八十八鷩衣之冕纁九旒用玉二百一十六毳衣之冕七旒用玉百六十八希衣之冕五旒用玉百二十玄衣之冕三旒用玉七十二

諸侯公之纁旒九就璿玉二采其餘如王之事纁旒皆就玉填王笄

璿音民

澄按後既有諸侯此當作諸公璿惡玉也二采謂朱白蒼也

其餘如王之事謂玄冕朱裏延紐朱紘與王同也纁旒皆就謂皆二采也公之冕用玉一百六十二玉填謂塞耳者

王之皮弁會五采玉璿象邸玉笄王之弁經弁而加環經諸侯及孤卿大夫之冕常弁皮弁弁經各以其等爲之而掌其禁令

璿音纂

會謂縫中也五采謂五采玉也玉璿謂皮弁之縫中每貫結五采玉十二以爲飾也詩云會弁如星又曰其弁伊纂是也邸下祗也以象骨爲之弁經王帛所服也其弁如爵弁而素所謂素冠也加環經者大如總之麻經纏而不紉各以其等謂纁旒玉璿如其命數也冕則侯伯纁七就用玉九十八子男纁五就用玉五十纁玉皆三采孤纁四就用玉三十二三

命之卿繅三就用玉十八再命之大夫繅再就用玉八繅玉皆朱綠膏弁皮弁則侯伯璫飾七子男璫飾五玉亦三采孤則璫飾四三命之卿璫飾三再命之大夫璫飾二玉亦二采弁經之弁其辟積如冕繅之就然庶人吊者素委貌一命之大夫冕而無旒士變冕為爵弁其常弁皮弁之會無結飾弁經之弁不辟積掌其禁令者不得相僭踰也

追師 履人 夏采

澄按此天官也然為冠履與夫掌大喪以冕服復于太祖皆禮官之事合麗于此

追師掌王后之首服為副編次追衡筭為九嬪及外內命婦之首服以待祭祀賓客喪紀其筭經亦如之追音唯編步典反

追冠名年追夏后氏之道也追師掌冠冕之官故并治王及后之首服副者婦人之首服副之言覆也所以覆首而為之飾也其遺象若今之步搖從王祭祀則服之編者列髮為之其象若今假紒服之以桑也次者次第髮長短為之所謂髮髷也服之以見王其燕居亦纒笄總而已追治也詩云追琢其章后之衡笄皆以玉為之而追治使有文也衡所以維持冠者垂于副之兩旁當耳其下以統縣瑱唯后之祭服得用也笄所以卷髮者外內命婦衣鞠衣檀衣者則得用編衣祿衣者得用次外內命婦自於其家亦得用也紒音計髮也寄反紒大計反纒听買反縣音玄

履人掌王及后之服履為赤舄黑舄赤繅黃繅青舄素履為屨

辨外內命夫命婦之命。復功。復散。復凡。四時之祭祀。以宜服之。  
於力反。句音渠。

言復必言服。服各有履也。復履曰舄。單履曰屨。王吉服有九  
舄。三等赤舄為上。冕服之舄也。其下白舄。黑舄。后吉服六。唯  
祭服有舄。玄舄為上。禘衣之舄也。其下青舄。赤舄。鞠衣以下  
唯履。爾赤。纁黃。纁者以赤黃之絲為下。緣上。喪禮曰夏葛履。  
冬皮履。皆纁。緇純。一曰纁。縫中紉也。白當作絢。絢為之。拘著  
舄履之頭以為行戒也。纁絢皆有赤黃青。今於纁言赤黃於  
絢言青。互見也。士冠禮曰玄端。黑履。青絢。纁純。素積。白履。緇  
絢。纁純。爵弁纁履。黑絢。纁純。是則履各象其冠色也。舄履有  
絢。有纁。有純。純者緣也。三者皆所以為飾。爾命復者。命夫。命

纁履命婦。則黃履。功復者。命復之次也。散履則去飾者。  
純音

允反。訓音純。

夏采。掌大喪以冕服復于祖。以琖車建綬。復于四郊。  
當作綬。

復謂始死招魂復魄也。士喪禮曰士死于適室。復者一人以  
爵弁服。升自東榮。中屋。北面招以衣。曰臯。某復。三降。衣于前  
受用。篋升自阼階。以衣尸。喪大記曰復。男子稱名。婦人稱字。  
唯哭先。復言死而哭。哭而復。奠其復反也。夏采。掌天子之復。  
其大禮大槩亦如是。于大廟于四郊。以其皆平生所有事之  
處也。冕服于大廟。以冕服不出宮也。四郊則建綬。此行道之  
儀也。綬當作綬。今作綬。綬以旄牛尾為之。綴於纁上。所以如

是者王祀四郊乘玉輅建大常今以之復則去其旒異於生也通丁歷反直江反竿也

巾車掌公車之政令辨其用與其旗物而等叙之以治其出入公車自王之五路至服車五乘也用謂祀賓之類旗物大常以下等叙之以封同姓異姓之次序

王之五路一曰玉路錫樊纓十有再就建大常十有二旂以祀金路鈎樊纓九就建大旂以賓同姓以封象路朱樊纓七就建大赤以朝異姓以封革路龍勒條纓五就建大白以即戎以封四衛木輅前樊鵠纓建大麾以田以封蕃國錫音陽樊讀為繁條音叨前音節

一曰玉路以玉飾諸末也錫者馬面當盧刻金為之所謂鑊

錫也樊馬大帶也纓馬鞅也玉路之鑿及纓皆以五采屬飾之十有再就謂十二成也大常旗之畫日月者十有二旂者旗之正幅為綵旂則屬焉者也以祀者以郊祀上帝也二曰金路以金飾諸末也鈎者婁領之鈎也其樊及纓以五采屬飾之而九成大旂者旂之畫交龍者也以賓客者以會賓客也同姓以封謂王子母弟以功德出封者也三曰象路以象飾諸末也象路無鈎以朱飾勒而已其樊及纓以五采屬飾之而七成大赤者通帛之旗也以朝者以日視朝也異姓王之言駮也以白黑飾韋雜色為勒也條纓者其樊及纓以條絲飾之而五成也大白殷之旗猶周之大赤也即戎者兵事也

四衛四方諸侯守衛者也五曰木輅不鞞以革漆之而已剪者淺黑也剪樊者木路無龍勒以淺黑飾常為樊也鶻纓者以鶻飾常為纓也不言就數者飾與革路同也大麾者不在九旗之中其色正黑夏后氏之旗也田者四時之獵也蕃國者九州之外蕃服也

王后之五路重翟錫面朱總厭翟勒面績總安車彫面鶻纓皆有容蓋翟車具面組總有揜蕃車組鞞有斐羽蓋重直龍及厭於涉反揜音至

一曰重翟雉羽也錫者馬面錫也總者著馬勒直兩耳與兩鑣以緇為之也此車后從下祭則乘之二曰厭翟次其雉羽使相迫也勒面者以龍勒之常為當面飾也績總者畫緇為

之也后從王享諸侯則乘之三曰安車安車者坐乘車也凡婦人車皆坐乘彫面者馬當飾彫畫之不龍其常也鶻纓者以青黑色緇為之安車無弗謂去飾也后朝見于王則乘之三車皆有容有蓋容者幃車也山東謂之裳帷或曰幃容蓋者如今小車蓋也詩曰翟弗以朝即厭翟也四曰翟車不重不厭以翟飾車之側者也具面者以具飾勒之當面也有幃則無蓋矣如今駟車是也后出桑乘之五曰輦車皆無飾但漆之而已為輕輪而人執之組鞞者絲繩也有斐所以禦風塵羽蓋所以蔽日也后居宮中從容乘之幃昌廉反

王之喪車五乘木車蒲蔽大禋尾麁疏飾小服皆疏素車焚蔽犬禋素飾小服皆素藻車藻蔽鹿淺禋革飾駝車翟蔽然禋髮

飾漆車藩蔽豸禛雀飾乘去聲禛莫力反雀音九髣音休

一曰木車謂不漆者蒲蔽以蒲草為蔽也蔽車傍禦風塵者  
舊讀作弗弗亦車之蔽如字亦通矣犬禛以犬皮為覆冬也  
苓謂苓箐小籠也以覆蔽兩者尾橐以犬尾為戈戟之弋也  
疏飾蔽與覆皆以菴布為之緣也小服皆疏謂刀劍短兵之  
衣皆菴也此車始遭喪乘之二曰素車以白土堊車也林蔽  
以蒴麻為蔽也素飾謂蔽與禛皆以素繒為緣也此車卒哭  
乘之三曰藻車藻水草蒼色謂以蒼土堊車藻蔽以蒼繒為  
蔽也鹿淺禛以鹿夏皮覆冬也革飾以皮去毛者緣之也此  
車既練乘之四曰駟車謂邊側有漆飾也翟蔽以細蒿席為  
蔽也然禛未詳髣飾以皮之赤多黑少者為緣此車大祥乘

之五曰漆車黑漆車也藩蔽若今時小車之藩漆席為之豸  
胡犬也雀飾以皮之黑多赤少者為緣也此車既禛乘之  
力丁反股吐刀反蒴扶文反

服車五乘孤乘夏篆卿乘夏縵大夫乘墨車士乘棧車庶人乘  
役車縵莫干反

服車謂服事者之車也夏篆謂以五采畫轂約也夏縵亦謂  
以五采畫但無環爾墨車不畫也棧車不韋輓而漆之役車  
有方箱可載任器以共役者也

凡良車散車不在等者其用無常凡車之出入歲終則會之凡  
賜闕之毀折入齎于職幣散上聲齎音咨

不在等謂不在前五等之數者歲終則會謂計其完敗多少



凡賜闕之謂不計完敗蓋雖敗不更賜也毀折入齋謂乘官車毀折者入財以償繕治之直也

大喪飾遣車遂歆之行之及葬執蓋從車持旌及墓嗥啓關陳車小喪共匿路與其飾歲時更續共其弊車遺去聲從去聲共音供

廢興也謂陳駕之也匿路載柩車也更續謂更受新車也共其弊車者謂以弊車付于車人其材或可再用也

大祭祀鳴鈔以應鷄人

典路掌王及后之五路辨其名物與其用說若有大祭祀則出路贊駕說大喪大賓客亦如之凡會同軍旅弔于四方以路從說音稅從去聲

說謂舍車贊駕謂贊僕與趣馬以路從者王出止乘一路而

典路以餘路從行亦以華其國也趣舍口反

車僕掌戎路之萃廣車之萃闕車之萃華車之萃輕車之萃凡師共革車各以其萃會同亦如之大喪廢革車大射共三之萃音俸廣古曠反輕去聲

萃與倅同猶副也五者皆兵車所謂五戎也戎路謂王在軍所乘也廣車橫陳之車也闕車所用補闕之車也華車華與屏同謂對敵而自隱蔽之車也輕車馳敵致師之車也之者持旌告獲者藉之以爲自蔽也

司常掌九旗之物名各有屬以待國事日月爲常交龍爲旂通帛爲旛雜帛爲物能虎爲旗鳥隼爲旟龜蛇爲旐全羽爲旞折

羽爲旌及國之大閱贊司馬頒旗物王建大常諸侯建旂孤卿  
建旛大夫士建物師都建旗州里建旗縣鄙建旒道車載旒旒  
車載旒旒之然反旒音餘旒音光旒音遂

物名者所畫異物則異名也屬徽識也如城門僕射及亭長  
著絳衣乃其舊象通帛大赤也正色無飾雜帛以帛素飾其  
側也全羽祈羽皆五采繫於旒旒之上所謂注旒於干首也  
凡九旗之帛皆用絳王建大常畫日月象天地也諸侯畫交  
龍一象其升朝一象其下伏也孤卿不畫言奉王之教政而  
已大夫士雜帛即殷之旗言以先王正道佐職也師都建旗  
六卿六遂之大夫曰師都者民所聚旗畫熊虎象其守猛  
莫敢犯也州里建旗縣鄙建旗州里縣鄙皆鄉遂之官旗畫

鳥準象其勇捷也旒畫龜蛇象其捍難避害也道車王朝夕  
出入之車也旒車王田獵之木車也繸全羽旒祈羽皆五色  
象其文德也

皆畫其象焉官府各象其事州里各象其名家各象其號凡祭  
祀各建其旗會同賓客亦如之置旌門

事名號即所謂徽識也題衆臣之名而樹之於位使各就焉  
或曰事或曰名或曰號異外內也置旌門掌舍職曰爲帷宮  
設旌門

大喪共銘旌建斂車之旌及塋亦如之凡軍事建旌旗及致民  
置旗弊之甸亦如之凡射共獲旌歲時共更旌更平声

置旗者豎旗以致民之至弊之者民既至則仆旗也更旗者

取舊與新也

三禮考註卷之七

三禮考註卷之八

周禮

掌舍 幕人 掌次

澄按此天官也然掌王之頓舍供帳乃禮官之職舍曩于此  
掌舍掌王之會同之舍設棨桓再重設車宮轅門為壇壝宮蘇  
門為帷宮設旗門無宮則共人門凡舍事則掌之 棨音陟桓音  
力重音龍反共音供

會同之舍諸侯來朝於王城之外設方明壇以行會同之禮  
棨桓謂行馬也再重者以周衛有內外列也車宮者王宿阻  
險之處列車以為藩也轅門謂仰車以其轅表門也壇壝宮  
者王宿平地築壇又壝土起壝埒以為宮也棘門以戟為門

也帷宮者王止息或張帷爲宮也旌門樹旌以表門也人門立長大之人以表門也增音劣

幕人掌帷幕幄帟綬之事凡朝覲會同軍旅田役祭祀共其帷幕幄帟綬大喪共帷幕帟綬三公及卿大夫之喪共其帟帟音亦

帷幕皆布在旁曰帷在上曰幕幄帟皆繒四合象宮室曰幄王所居之帳也帟謂王在幕幄中坐上承塵也綬謂組綬凡帷幕幄帟皆有綬以繫之大喪亦共帷幕帟綬者爲賓客之飾也

掌次掌王之次之灋以待張事王大旅上帝則張壇案設皇邸朝日祀五帝則張大次小次設重帟重案合諸侯亦如之

法謂大小丈尺也大旅上帝謂祭天圓立國有故而祭亦曰旅此以旅見而祀者也張壇案以壇爲床於幄中也邸後版屏風謂之皇邸者染羽象鳳凰也朝日於春分拜日於東門外也祀五帝祀之於四郊也次謂幄也大次謂初往祭所以止居之處也小次謂既祭而退俟之處也重帟謂復帟重案案上設重席也

師田則張幕設重帟重案諸侯朝覲會同則張大次小次師田則張幕設案孤卿有邦事則張幕設案

有邦事謂以事從王或以王命出也

凡喪王張帟三重諸侯再重孤卿大夫不重凡祭祀張其旅幕張尸次射則張耦次掌凡邦之張事重平聲

張帝謂極上承塵也旅幕公卿以下衆人之幕也尸吹尸所居更衣帳也耦次謂耦俱升射之次在於洗東

環人 掌訝 掌交 伊耆氏 司烜氏

澄按此秋官也考其職爲迎送賓客及祭祀之禮非春官而何合麗于此

環人掌送逆邦國之通賓客以路節達諸四方舍則授館令聚

標有任器則令環之凡門關無幾送逆及疆幾平聲環圍也送迎賓客謂以常事往來者也路節旌節也四方功上也令野廬氏也環之謂環而守之也門關無幾不得苛

留環人也一曰環人送迎賓客則出入不幾也

掌訝掌邦國之等籍以待賓客若將有國賓客至則戒官脩委

積與士逆賓于疆爲前驅而入及宿則令聚標及委則致積至

于國賓入館次于舍門外待事下客及將幣爲前驅至于朝詔其位入復及退亦如之委去聲積于四方

訝與訝同士迎賓客者等籍九儀之等差載於書籍者以等差而爲降殺之節也國賓謂諸侯國客謂諸侯之臣官謂牛

人羊人舍人委人之屬標旃通行夜所擊也令聚旃令野廬氏也致積以王命而致賓也次如今官府門外更衣處待事

通其求索也前驅道之以如朝也詔其位告客以位處也入復者入告王以客至也退亦如之如其爲前驅也

凡賓客之治令訝訝治之凡從者出則使人道之及歸送亦如之凡賓客諸侯有卿訝卿有大夫訝大夫有士訝士皆有訝凡

訝者賓客至而往詔相其事而掌其治令從才用反相息亮反

賓客之治謂欲正其貢賦理國事也以告訝訝為如朝而理

之也從者介以下也人其屬胥徒也道者營護之也凡迎賓

之禮使卑者迎尊故卿當訝諸侯大夫訝卿也

掌交掌以節與幣巡邦國之諸侯及其萬民之所聚者道王之

德意志憲使咸知王之好惡辟行之使和諸侯之好達萬民之

說好去聲惡烏路反辟音避說音悅

交通也掌交通諸侯之好也節以為行信道言也王者德之

所存意之所發志之所慮之所定皆言之使知王之所好

而行之所惡而不為也又和諧諸侯之心使之好王通達萬

民之情使之悅王此善交通上下之情也

掌邦國之通事而結其交好以諭九稅之利九禮之親九牧之

維九禁之難九戎之威難去者

通事朝覲聘問也九稅九職之稅使諸侯征之得以為利九

禮九儀之禮使諸侯守之各安其分九牧九州之牧使之小

大相維持九禁九法之禁使之避免患難九戎九伐之兵使

之奉法畏威

杖伊耆氏掌國之大祭祀共其杖咸軍旅授有爵者杖共王之齒

杖伊耆古王者號始為蜡以息老物此主王者之齒杖後王識

伊耆之舊德而以名官歟咸讀為函老臣雖杖於朝事鬼神

尚敬故去杖而以函蔽之既事乃復授之也有爵杖謂將軍

尚敬故去杖而以函蔽之既事乃復授之也有爵杖謂將軍

杖鉞也齒杖王之所以賜老臣也

司烜氏掌以夫遂取明火於日以鑿取明水於月以共祭祀之

明盥明燭共明水凡邦之大事共墳燭庭燎中春以木鐸修火

禁于國中軍旅脩火禁邦若屋誅則為明蠹焉中音仲蠹音篆

烜火也夫遂陽遂也鑿鏡屬又曰方諸陽遂取日之火方諸

取月之水欲得陰陽之潔氣也火謂之明燭以照饌陳水謂

之明水以寫玄酒明盥謂以明水滌滌染盛黍稷也墳燭大

燭也樹於門外曰墳燭門內曰庭燎皆所以照衆為明者火

禁謂用火之處備風燥也屋讀如刑剗之剗屋誅謂夷三族

听蠹若今揭頭明書其罪法也司烜掌明蠹謂無親屬收葬

者為葬之也一曰剗誅者不於市殺而適甸師氏

司烜掌行火之政令四時變國火以救時疾季春出火民咸從

之季秋內火民亦如之則施火令凡祭祀則祭燿凡國失火

野焚萊則有刑罰焉燿古 奠反內音紉

澄按此夏官也其所掌與司烜同合麗于此 舉火曰燿行

猶用也變猶易也變國火鄒子曰春取榆柳之火夏取棗杏

之火季夏取桑柘之火秋取柞櫛之火冬取槐檀之火救時

疾四時之火各以其宜則民疾可救矣出火內火者三月心

星昏見於辰上使民出火九月心星伏在戌上使民內火祭

燿者報始鑽燿者

司几筵掌五几五席之名物辨其用與其位

敷於地上一重曰筵筵上再重曰席憑之以佐其力曰几五

几則玉彫彤漆系是已五席則莞蒲次繅熊是已用則若祭  
若賓之類位則若廟若朝之類

凡大朝覲大饗射凡封國命諸侯王位設黼依依前南鄉設莞  
筵紛純加繅席畫純加次席黼純左右玉几祀先王酢席亦如  
之依音倚鄉去聲紛上聲純音準

斧謂之黼其繡白黑采以絳帛爲質依制如屏風然於依前  
爲王設席左右有几優至尊也紛讀爲粉謂白繡也純紛也  
次席虎皮爲席繅席蒲莠長之編以五采王之席三重莞則  
筵之清堅者紛綬以爲之緣繅則席之柔疇者畫雲氣以爲  
之緣次則席之次列成文者黑白黼以爲之緣酢席者王獻  
尸尸酢王爲酢席於室中西鄉莠音弱疇如充天

諸侯祭祀席蒲筵績純加祭席紛純右彫几昨酢席莞筵紛純  
加藻席畫純筵國賓于牖前亦如之左彫几

昨當作酢績畫文也國賓諸侯來朝孤卿大夫來聘者天子  
之席三重諸侯再重禮也然天子有次席黼純而不用於諸  
侯者以諸侯不可尚自然之文不可專斷制之義也諸侯有  
蒲筵績純而不同於天子者以蒲不若莞之細績不若畫之  
工也天子酢席與祭祀同而諸侯則異其席者尊卑之辨也  
天子設於左右而諸侯則陰事尚右陽事尚左者亦尊卑之  
辨一几席之末而大分存焉

甸役則設熊席右漆几凡喪事設蒿席右素几其栢樽席用菴  
黼純諸侯則紛純每敷一几凡吉事變几凶事仍几菴音九敷



音導

表貉之祭席用熊示服猛也凡用漆飾示正固也漆几右之陰事也椁席椁中所藏之席敦讀曰燾覆也吉事變几則從王所在變而設之凶事則不知神之所之如顧命之日仍在位皆設爾

司尊彝掌六尊六彝之位詔其酌辨其用與其實春祠夏禴裸用鷄彝鳥彝皆有舟其朝踐用兩獻犧尊其再獻用兩象尊皆有罍諸臣之所酢酢也秋嘗冬烝裸用斝彝黃彝皆有舟其朝獻用兩著尊其饋獻用兩盞尊皆有罍諸臣之所酢酢也凡四時之間祀追享朝享裸用虎彝雉彝皆有舟其朝踐用兩大尊其再獻用兩山尊皆有罍諸臣之所酢酢也獻作犧昨作酢著

直器反大音泰

尊酒器尊以盛酒彝言為尊之法也彝以盛鬯宗廟六享之裸皆用彝六享之獻皆用尊禮運曰玄酒在室醴醖在戶齊醖在堂澄酒在下此其位也酌則獻酌縮酌之類用則春祠秋嘗之類實則鬱齊醴齊之類春祠以詞為主夏禴以樂為主秋嘗以薦新為主冬烝以備物為主春夏之發生長養主乎動曰鷄曰鳥曰犧曰象非取其有動意乎秋冬之肅殺歛藏主乎靜曰斝曰黃曰著曰壺非取其有靜意乎曰虎曰雉則取以裸曰大曰山則用以獻非始出於動而終復於靜乎雉讀為虺禺屬印鼻而長尾斝讀為稼書禾稼也著畧尊也著地無足黃目鬱氣之上尊黃者中也日者氣之清明也壺

者以壺為尊祠禴烝嘗為四時之祭時祭之外親近者為祖  
考每月朔朝於廟曰朝享親遠者為遷廟之主有禱則追祭  
之曰追享二者為四時間祀而列於祠禴烝嘗之後故曰六  
享舟之為物量其所受則有濟物之利受過其量則有沉溺  
之害蠶之為物應時而動則有澤物之利動不以時則有浸  
淫之患知舟蠶之戒則知先王設器之意齊才計反音通  
印五剛反

凡六彝六尊之酌鬱齊獻酌醴齊縮酌盞齊沈酌凡酒脩酌  
獻讀為儀脩讀為游沈舒餘反

獻酌者廟享裸用鬱齊謂黃鬱和鬯以為求神之始酌以獻  
之也縮酌者朝踐用醴齊則齊之濁以茅縮之也沈酌以饋

食用盞齊則清濁之中者新之也脩酌者卒食酌夫尸亦人  
之所飲脩以致味也凡酒以沈視縮則盞為清以縮視鬱則  
醴為淳蓋宗廟之中始以神道求之終以人道事之愈近則  
愈親故爾酌余振反

大喪存奠彝大旅亦如之

彝人掌裸器凡祭祀賓客之裸事和鬱鬯以實彝而陳之凡裸  
玉濯之陳之以贊裸事詔裸將之儀與其節凡裸事沃盥大喪  
之泚其其肆器及盥其其裸器遂狸之大祭祀與量人受壘  
學之卒爵而飲之泚亡卑反

澄按夏官量人掌建國法管軍壘等事鬱人掌祭祀裸器不  
應與量人相通固知是鬱人無疑○鬱鬱金香草十葉為真

百二十貫爲築築鬱金奠之以和鬯酒裸器謂彝及舟與瓚  
裸者求神之始天地不裸而宗廟有裸以人事之也裸王圭  
璋瓚也濯之以致其潔陳之以備夫用儀者奉送之儀節者  
早晏之節沃盥者盥手洗瓚之事肆器陳尸之器夷槃也狸  
之者遣奠之彝與瓚豕於祖廟之階次也單當作假

鬯人掌共秬鬯而飾之凡祭祀社壝用大罍祭門用瓢齋朝用  
脩凡山川四方用蜃凡裸事用概凡鬻事用散大喪之大罍設  
斗共其鬯鬯凡王之齊事共其秬鬯凡王弔臨共介鬯祭音詠  
鬯在兮反脩當作自裸音理概古愛反鬻乎逼反散上聲斗音

鬯者釀秬爲酒而芬芳條暢也秬如黑黍一樽二米乃天地

至和之氣故名之曰鬯而因以名官共秬鬯者直共秬鬯之  
酒無爵也飾之以布爲巾幕而畫黼文也社壝者四圍委土  
曰壝壝內除地爲壇壇內爲壇大壘用瓦祭門祭祭于門也  
瓢謂匏齋讀爲齊取甘匏割去蒂以齊爲尊也自中尊也蜃  
水中蜃也以螺鈿飾器也概者以黑漆爲尊而朱帶落腹曰  
概取橫槩之義也鬻者蜡而鬻辜以祭四方百物按牲鬻曰  
鬻磔牲曰辜散者尊唯用漆別無他飾然四尊自蜃概散皆  
漆也蓋四尊皆容受五斗漆外而朱中口徑八寸底徑八寸  
高二寸下徑九寸底至口上下中徑二尺五分乃容五斗之  
數泂浴也鬯塗也尊者之尸既浴之以鬯又鬯之以鬯使之  
香美也設斗斗勺也所以斟水沃尸也共介鬯者至尊臨弔

使介執鬻鬯進前以除穢氣如用桃刻然

冪人掌共巾冪祭祀以疏布巾冪八尊以畫布巾冪六彝凡三巾皆黼冪莫力反

澄按此天官也考其文則祭祀之事所掌尊彝之冪合麗于此○冪覆也冪八尊以疏布天地之神尚質也六彝以畫布宗廟尚文也其布畫以雲氣王巾皆黼者四飲三酒之冪皆

### 畫黼文

內宗掌宗廟之祭祀薦加籩豆及以樂徹則佐傳豆籩賓客之饗食亦如之王后有事則從大喪序哭者哭諸侯亦如之凡卿大夫之喪掌其弔臨傳直專反

內宗凡內女之有爵者加豆籩加爵之豆籩佐傳豆籩佐外

宗也卿大夫之喪掌弔臨蓋諸侯之喪則王后亦弔臨卿大夫之喪則但使內宗也

外宗掌宗廟之祭祀佐王后薦玉豆盥及以樂徹亦如之王后以樂羞鬻則贊凡王后之獻亦如之王后不興則贊宗伯小祭祀掌事實賓客之事亦如之大喪則序外內朝莫哭者哭諸侯亦如之莫暮同

王后之獻謂獻酒于尸贊宗伯者以后有故而宗伯攝禮故贊之也

世婦掌女宮之宿戒及祭祀比其具詔王后之禮事帥六宮之人共鬻盛相外內宗之禮事大賓客之饗食亦如之大喪比外內命婦之朝莫哭不敬者而苛罰之凡王后有慘事於婦人則

詔相凡內事有達於外官者世婦掌之慘所斬反

澄按世婦天官有其職矣而春官又有之天官之職曰掌祭祀賓客喪紀之事帥女宮而灌概為齋盛及祭之日泣陳女宮之具凡內羞之物掌吊臨于卿大夫之喪考其文與春官之職無異得非一官而譌祈為二邪今合于一官麗之于此也○女宮刑女之殺于宮者六宮人女御其婦職者內外宗女之有爵者外內命婦九嬪及外命婦之親

典祀掌外祀之兆守皆有域掌其禁令若以時祭祀則帥其屬而脩除徵後于司隸而後之及祭帥其屬而守其厲禁而蹕之外祀國外之祀小宗伯所謂兆五帝于四郊四望四類亦如之兆山川丘陵墳衍各因其方是已兆域之禁令如脩除兆

域之廢毀者是也

甸師掌帥其屬而耕耨王藉以時入之以共齋盛祭祀共蕭茅共野果蔬之薦菰羅上聲

澄按此天官也以文考之當麗于此蓋以時言之則耕耨者春之時也以事言之則耕耨供案盛者禮官之事是果天官之職乎○釋芸草也藉之言借也王藉王以孟春躬耕帝藉三公以下次耕之而庶人終耕千畝也齋案同案稷也穀以稷為長是故曰案在器曰盛蕭香蒿也郊特牲云蕭合黍稷臭陽達於墻屋茅以共祭之首亦以縮酒首藉也縮酒者束茅立之祭前沃酒其上酒滲下若神飲之故曰縮甸在遠郊之外郊外曰野故供野果蔬果桃李也蔬瓜瓞也

喪事代王受青莪

澄按古之明君飭已凝命有罪則刻責自咎有戒則恐懼自修未聞有青莪而使臣下代之者夫青者過也已有過以速莪雖使人代之豈能代此固宋景公之所不爲孰謂成周之君有是哉漢文帝祠官祝釐尚且辭而不受不欲一已獨享其福况以青莪移之他人乎周公大聖必不肯立官掌此以啓人君不畏禍自修之心也

王之同姓有辜則死刑焉

澄按甸師掌辨耨王藉以供粢盛貴在蠲潔以感神明胡爲而掌刑滅之事邪鄭氏援文王世子曰公族有死罪則磨于甸人以証之此不經之說也

帥其徒以新蒸後外內饗之事

新蒸供饗者大曰新小曰蒸

都宗人掌都祭祀之禮凡都祭祀致福于國正都禮與其服若有寇戎之事則保群神之墳國有大故則令禱祀既祭反命于國

都或有山川及因國無主王子弟則立祖王之廟其祭祀王皆賜禽焉

家宗人掌家祭祀之禮凡祭祀致福國有大故則令禱祀反命祭亦如之掌家禮與其衣服宮室車旗之禁令凡以神仕者掌三辰之灋以猶鬼神示之居辨其名物以冬至致天神人鬼以夏日至致地示物魁以禮國之凶荒民之札喪示祈同魁音

家謂大夫之有采地者猶鬼神示之居謂圖書鬼神示之位坐辨其名物謂辨其祭祀之多寡依位之尊卑也百物之神

曰彪禮禳禮也

守祧掌守先王先公之廟祧其遺衣服藏焉若將祭祀則各以其服授尸其廟則有司脩除之其祧則守祧黜聖之既祭則藏其隨與其服隨許恚反

王立七廟遠廟爲祧先公遷主藏於后稷之廟先王遷主藏於文武之廟遺衣服大斂之餘也黜黑也聖白也隨謂尸所祭肺脊黍稷之屬藏其隨則埋於西階之東也

職喪掌諸侯之喪及卿大夫士凡有爵者之喪以國之喪禮

其禁令序其事凡國有司以王命有事焉則詔贊主人凡其喪祭詔其號治其禮凡公有司之所共職喪令之趣其事

諸侯王子弟爲圻內諸侯者卿大夫士謂朝之臣也國之喪禮者朝廷之喪禮也國有司謂王臣往治其事者詔贊主人贊佐居喪之嗣子也詔其號謂告以牲號齋號之屬公有司謂諸侯本國之臣其所供給亦令之而催督之以見天子哀大臣之喪而敬其事也

冢人掌公墓之地辨其兆域而爲之圖先王之葬居中以昭穆爲左右凡諸侯居左右以前卿大夫士居後各以其族凡死於兵者不入兆域凡有功者居前以爵等爲丘封之度與其槨數大喪既有日請度甫窆遂爲之尸及窆以度爲丘隧其喪之空

器及葬言鸞車家人及窆執斧以泣遂入藏凶器正墓位踴墓  
域守墓禁凡祭墓爲尸凡諸侯及諸臣葬於墓者授之兆爲之  
踴均其禁窆充爲反窆保驗反

公墓之地地之屬於公而非私者自天子至大夫士皆葬於  
此辨兆域者尊卑左右前後不可相侵也爲圖者畫其界限  
使葬者有據也先王居中以昭穆左右夾處也居左右居王  
墓之左右以前在卿大夫士之墓前居後在諸侯之墓後各  
以其族各以親疎附葬也死於兵者謂戰敗無勇或作亂不  
義皆投之塋外以示黜罰有功者謂勇敢克敵或死於忠節  
使之居前示旌賞也丘封者墳也爵高者墳高而樹多爵卑  
者墳卑而樹少有日謂葬日已定也請度請量度所窆之地

也甫始也丘隧墓前道也象人者以芻爲人執斧者示威也  
位者丘封之左右前後也禁者所以爲坐限也

墓大夫掌凡邦墓之地域爲之圖令國民族葬而掌其禁令正  
其位掌其度數使皆有私地域凡爭墓地者聽其獄訟帥其屬  
而巡墓厲居其中之室以守之

邦墓萬民所葬也族葬謂各從其親亦以左右爲昭穆也度  
數謂墓之制度等差使其下不僭上也墓厲謂坐限遮列之  
處

太祝掌六祝之辭以事鬼神示祈福祥求永貞一曰順祝二曰  
年祝三曰吉祝四曰化祝五曰瑞祝六曰筮祝祝之秀反筮祝  
革反



永長也真正也順祝者謂天人和同納于大順也年祝者謂五氣時若常大有年也吉祝者謂歛時五福吉無不利也化祝者謂化被六極以為和氣也瑞祝者謂天不愛寶而形為上瑞也筴祝者謂龜筴不違於人是謂大同也

掌六祈以同鬼神示一曰類二曰造三曰禱四曰祭五曰攻六曰說造七到反

祈嗥也類老合類而祭若類上帝是也造者即其所而祭若造于祖是也禱所以除災變禱凶荒祭所以禱水旱攻謂治去其害說謂以辭責之是也

作六辭以通上下親疎遠近一曰祠辭二曰命三曰誥四曰會五曰禱六曰誅

祠當作辭謂辭令也辭為言辭之辭命謂命令之辭誥謂誥戒之辭會謂會同之辭禱謂賀慶言福祚之辭誅謂積累生時德行之辭上下以位言親疎以情言遠近以勢言辭以通之一而已矣

辨六號一曰神號二曰鬼號三曰示號四曰牲號五曰齋號六曰幣號

號者謂尊其名更為美稱神號者尊天曰皇天上帝鬼號者尊祖曰皇祖伯某示號者尊地曰后土地祇牲號者牛曰一元大武之類齋號者黍曰薺合之類幣號者幣曰量幣之類以其致美於牲幣所以致敬於鬼神也

辨九祭一曰命祭二曰衍祭三曰炮祭四曰周祭五曰振祭六

曰擣祭七曰絕祭八曰繚祭九曰共祭衍夷然反擣而泉反

九祭者皇尸祭食之法也命祭者尸坐祝命尸取韭菹祭于

豆間衍祭者尸取黍稷切肺祭于豆間衍多也炮祭者次賓

羞羊燔尸擣鹽以祭也周祭者依穀之序而徧祭也振祭者

凡牢翰魚腊皆擣鹽而振之擬祭弗奠也擣祭者取菹擣鹽

而祭也絕祭者剝肺絕本而祭也繚祭者剝肺之大本而紵

之以為繚祭也共祭者凡尸之食祭皆上佐食工祝共之也

此皆饋食觀之可知天子之禮剝忽混反以刀切斷也

辨九擣擣一曰稽首二曰頓首三曰空首四曰振動五曰吉擣六

曰凶擣七曰奇擣八曰褒擣九曰肅擣以享右祭祀奇紀宜反

擣者上下交敬之禮稽首下於衡而伏地也頓下首也首頓

於手而已空首頭不至地而空其首也振動者戰慄變動以

首叩地也吉拜謂暮以下之喪者拜而後稽顙凶拜謂二年

之喪者稽顙而後拜奇拜一拜也褒拜再拜也肅拜者俯其

首而肅之也享謂朝踐獻尸之類右謂侑食勸尸之類祭祀

謂祀天神祭地示之類

凡大禋祀肆享祭示則執明水火而號祝脩釁逆牲逆尸令鍾

鼓右亦如之來瞽令臯舞相尸禮既祭令徹隋許規反相息亮反

禋祀祭天神肆享祭宗廟祭示祭地示隋謂尸祭餘釁謂薦

血之事右則尸食而侑之相尸禮謂贊其出入坐作之儀徹

徹俎豆

大喪始崩以肆鬯殯尸相飯贊歛徹奠言甸人讀禱付練祥掌  
國事飯扶晚反

肆陳也泔浴也相飯謂含也禱六辭之屬禱也付祔通卒哭  
後祔祭祀廟練小祥祥大祥

國有大故天裁彌祀社稷禱祠大師宜于社造于祖設軍社類  
上帝國將有事于四望及軍歸獻于社則前祝大會同造于廟  
宜于社過大山川則用事焉反行舍奠舍音釋

大故兵寇也天裁疫癘水旱也宜造類祭名也社祖國內之  
禮設軍社國外之禮四望則軍行之道山川之禮前祝前羣  
祝也

建邦國先告后土用牲幣禁督逆祀命者頒祭號於邦國都鄙

建邦國謂新創邦國之城后土社神也督正也邦國都鄙之  
祀當祀者在所督不當祀者在所禁此所謂頒祭號也

小祝掌小祭祀將事侯禳禱祠之祝號以祈福祥順豐年逆時  
雨寧風旱弭裁兵遠羣疾

澄按子疾病子路請禱子曰某之禱久矣深惡夫子路也疾  
病之在聖人且不禱况兵與羣而可禱乎夫人君正心誠意  
以修其身以遠羣之道也脩兵備器以治其內地彌兵之道  
也舍此不爲一付小祝果可以恃則人君可以不脩其身可  
以不治其內可以安坐而保天下國家矣此必無之理也若  
梁武之作懺悔罪終罹侯景之禍蓋亦反而求之本歟  
大祭祀逆齋盛送逆尸沃尸盥贊隋贊徹贊奠凡事佐大祝

齋盛輕於牲也其曰贊者所以佐大祝也

大喪贊謂設熬置銘及塋設道齋之奠分禱五祀大師堂禱祈  
號祝有寇戎之事則保郊祀于社凡外內小祭祀小喪紀小會  
同小軍旅掌事焉

熬煎穀今之火脯也設於棺之四旁所以感蟬蛸也銘旌以  
書死者之姓名也分禱分牲體以祭也

喪祝掌大喪勸防之事及辟令啓及朝御匱乃奠及祖飾棺乃  
載遂御及塋御匱出宮乃代及壙說載除飾小喪亦如之掌喪  
祭祝號王弔則與巫前掌勝國邑之社稷之祝號以祭祀禱祠  
焉凡卿大夫之喪掌事而歛飾棺焉

辟音僻說吐活反又詩悅云  
勸謂執纛居匱前以勸帥六引也防謂執披居旁以防其顛

倒也及祖者及祖廟設祖祭之禮飾棺加帷荒也御者六引  
也代者鄉遂師也脫棺載而除棺飾者便於窆也小喪謂王  
后及世子以下之喪祭謂虞祭巫主執挑刻之事勝國之社  
周勝於殷亳社是也卿大夫之喪則禮有降殺勸防之事皆  
掌之也

甸祝掌四時之田表貉之祝號舍奠于祖廟禰亦如之師甸致  
禽于虞中乃屬禽及郊饁獸舍奠于祖禰乃歛禽禩牲禩馬皆  
掌其祝號

饁于輒反禩音誅一音禱

貉兵祭也四時之田大司馬行之設禩祭於所表之地曰表  
貉虞中所表之處屬禽別其種類屬之此山澤之虞也歛禽  
禩禽也禩禱也禩牲與馬之祭也

詛祝掌盟詛類造攻說禮祭之祝號作盟詛之載辭以叙國之信用以質邦國之劑信

載血以詔明神曰盟詔明神以戒之曰詛載辭者以盟詛而載之於辭叙國之信用者使人用之而有先後之序質邦國之劑信者行之邦國則有以信其約

司巫掌群巫之政令若國大旱則帥巫而舞雩國有大裁則帥巫而造巫恒祭祀則共墮主及道布及菹館凡祭祀守瘞凡喪事掌巫降之禮墮音用菹子都反

巫亦祝也能事無形以舞降神也雩旱祭也恒久也巫久者牛巫之故事墮器名宗廟盛主之器也主木主也道布神巾新布三尺也菹以茅爲菹而藉也館盛茅之器今之筐也

瘞者祭地示則守瘞以待埋牲玉也巫降之禮謂人之精神陟於天巫爲之降其神也

男巫掌望祀望衍授號旁招以茅冬堂贈無方無筭春招彌以除疾病王弔則與祝前

望祀望衍者爲望其方而降之求其神於誕謾恍惚之中而有號焉冬堂贈者謂歲終設祭於堂以贈送疫鬼之爲不祥者無方者惟巫之所至無筭者惟巫之所用送之於冬而招之於春者以春陽之來則吉祥可招邪祟可弭而疾病可除也

女巫掌歲時祓除釁浴旱暵則舞雩若王后弔則與祝前凡邦之大裁歌哭而請

祓除如上已祓除之邪氣也豐浴則以香草薰浴去汙穢也  
旱曠舞雩陽亢而陰不足女巫所以助陰氣也大哉歌哭而  
請者所謂祈哀是也

女祝掌王后之內祭祀凡內禱祠之事掌以時招梗禴禳之事  
以除疾殃梗古猛反

澄按此天官也考其文學祭祀禱祠之事非禮官之屬邪合  
麗于此○內祭祀謂宗廟之禮內禱祠謂高視之禮招以來  
福祥梗以障疾疫禴以除裁殃禳以卻變異

祭僕掌受命于王以眡祭祀而警戒祭祀有司糾百官之戒具  
既祭帥群有司而反命以王命勞之誅其不敬者大喪復于小  
廟

澄按此夏官也有司有事於祭祀者勞者以王命勞與祭之  
有司小廟高祖以下也

凡祭祀王之所不與則賜之禽都家亦如之凡祭祀致福者展  
而受之

祭祀王不與者謂同姓有先王之廟者賜之禽使自祭也致  
福謂臣有祭祀致祭肉於君所謂歸胙也展謂錄視其牲體  
數體數者大牢則以牛左有臂臠折九箇少牢則以羊左有  
七箇特牲則以豕左有五箇臠奴報反

小臣掌王之小命詔相王之小灋儀掌三公及孤卿之復逆正  
王之燕服位王之燕出入則前驅大祭祀朝覲沃王盥小祭祀  
賓客享食賓射掌事如大僕之灋掌士大夫之弔勞凡大事佐

大僕

澄按此夏官也掌詔王之小法儀非禮官之事乎合麗于此  
○燕出入若遊觀諸苑是也

御僕掌群吏之逆及庶民之復與其弔勞大祭祀相盥而登大  
喪持髮掌王之燕令以序守路鼓

澄按亦夏官也掌逆復及祭祀非禮官之事乎合麗于此○

群吏之逆謂自士以下有言于王者庶民之復謂俾獨老幼  
有復于上者相盥謂奉槃授巾登謂為王登牲體于俎者髮

棺飾也持之者夾蜃車序更也

象胥掌蠻夷閩貉戎狄之國使掌傳王之言而諭說焉以和親  
之若以時入賓則協其禮與其辭言傳之凡其出入送逆之禮

節幣帛辭令而賓相之凡國之大喪詔相國客之禮儀而正其

位凡軍旅會同受國客幣而賓禮之凡作事王之大事諸侯次  
事卿次事大夫次事上士下事庶子 賓相二字並去聲

澄按此秋官也傳王言諭夷狄非禮官之事乎合麗于此

象謂通四夷之言者胥則有才智也其本名東方曰寄南方

曰象西方曰夷韃北方曰譯總名曰象周之德先致南方也

國使謂蕃國之君來相聘者以時入賓謂其君以世一見來

朝為賓者作使也王之大事王者征伐四夷之事則用諸侯

為弔翰若威令文誥之辭皆量其事體之輕重而用之

封人 牧人 充人 牛人

澄按此地官也考其於掌嘗祭祀壇壝牲牲等事豈教官之

職乎合歸之禮官

封人掌設王之社壇為畿封而樹之凡封國設其社稷之壇封其四疆造都邑之封域者亦如之令社稷之職凡祭祀飾其牛牲設其楅衡置其絳共其水稟歌舞牲及毛炮之豚凡喪紀賓客軍旅大盟則飾其牛牲楅音福絳持忍反飾牲者被牲以文繡也楅衡牛角端橫木也楅設於角以備觸也衡設於鼻以繫繩也絳則繩之可以牽牲也水以滌之稟以藉之歌舞牲牽牲入朝門時隨歌舞之言其肥香以獻神也毛炮豚者爛去其毛而炮之以備八珍也喪紀有奠牛賓客有牢禮積膳之牛軍旅有犒牛大盟有載書之牛其牲皆如祭祀之飾敬其事也燔似鹽反

牧人掌牧六牲而阜蕃其物以其祭祀之牲牲凡陽祀用騂牲毛之陰祀用黝牲毛之均二祀各以其方之色牲而毛之凡時祀之牲必用牲物凡外祭必用牲也凡祭祀共其犧牲以授充人繫之凡牲不繫者共奉之牲音全有口江反牲色之純也毛之者取純毛也陽祀祀郊廟陰祀祀地社壇祀祀嶽瀆騂赤色黝黑色苍色之雜也外祭疆郊也毀事疾穰也犧體之全也牲色之純也散牲繫於國門不繫者非時之祭祀也

充人掌繫祭祀之牲牲牲祀五帝則繫于牢芻之三月享先王亦如之凡散祭祀之牲繫于國門使養之展牲則告牲碩牲則養充肥也牢閑也散祭祀謂司中司命山川之屬繫于國門使



守門者養之展具也具牲若今夕牲也贊助也牽牲入將致之充人助持牲傳曰奉牲以告曰博碩肥腍此碩牲之禮也牛人掌養國之公牛以待國之政令凡祭祀共其享牛求牛以授職人而芻之凡賓客之爭共其牢禮積膳之牛饗食賓射共其膳羞之牛軍事共其犒牛喪事共其奠牛凡會同軍旅行役共其兵車之牛與其牽傍以載公任器凡祭祀共其牛牲之互與其盆簠以待事職讀為行一作托傍去聲簠音老

公猶官也享牛獻神之牛也求牛求終也祭之明日釋祭所用之牛也祭而有釋者于子求人非一處也穢所以繫牛也牛人擇於公牛之中以地及找人使芻養之牢禮殮饗也積所以給賓客之用膳所以問禮賓客者奠牛殷奠遺奠所用牽

傍在轅外挽牛也居前曰牽在旁曰傍任猶用也互所以懸肉盆所以盛血簠所以受肉

犬人掌犬牲凡祭祀共犬牲用牲物伏瘞亦如之凡幾珥沈辜用豮可也凡相犬牽犬者屬焉掌其政治幾音義

澄按此秋官也所掌祭祀合歸春官○伏謂較祭之時伏犬而以車轆之也瘞謂埋祭也幾珥讀為列珥列者豐禮之事沈謂沈牲辜謂驅辜以牲裂之祭四方百物也豮謂非純色者相犬謂相視而擇其善惡也

羊人掌羊牲凡祭祀飾羔祭祀割羊牲登其首凡祈珥共其牲賓客共其灋羊凡沈辜侯禋燔積共其羊牲若牧人無牲則受布于司馬使其賈買牲而共之

澄按此夏官也羊人掌羊牲以共祭祀非春官之職乎○登  
升也首者陽氣所聚升首所以報陽也用毛牲曰祈羽牲曰  
珥祈求福之祭珥珥災之祭法羊殽饗積膳之羊侯禳者侯  
四時惡氣禳去之也饗器新成殺牲取血以塗之也積讀作  
清謂饗國寶漬軍器也又曰積積柴裡祀燠燎實柴布泉也  
小子掌祭祀羞羊肆羊般肉豆而掌珥于社稷祈于五祀凡沈  
辜侯禳飾其牲彙邦器及軍器凡師田斬牲以左右徇陳祭祀  
贊羞受徹焉肆他力反陳音陣

此亦夏官大鄭云羊肆體薦全烝也玄謂肆讀爲鬻羊鬻者  
豚解也羊般體解節折也肉豆切肉于豆斬牲者師田則斬  
牲徇于軍中言不用命者如此牲也

春人掌共米物祭祀共其齋盛之米賓禮共其牢禮之米凡饗  
食共其食米掌凡米事

此亦地官米物非止一米也齋盛黍稷稻粱之屬可盛以爲  
簋簠實牢禮之米可以爲筐筥實

饌人掌凡祭祀共盛共王及后之六食凡賓客共其簋簠之實  
饗食亦如之音治

此亦地官饌人主炊也春人共粢盛之米饌則炊而熟之  
六食六穀之飯

犒人

澄按地官犒人苦報反夏官稟人古老反地官犒人主宥食  
者當爲犒師之犒夏官稟人主弓矢當爲芻稟之稟二官之

職不同而地官犒人麗之春官併之饌人何耶二職掌饗食  
等事六籍經秦火未免差謬故饌人犒人離為二職又雜他  
官予取而合之

掌共內外朝宍食者之食若饗耆老孤子士庶子共其食掌秦  
祭祀之犬

外朝者司寇斷訟之朝內朝者路門外之朝宍食者留治文  
書之人若漢尚書諸上直者士庶子謂卿大夫之子第宿衛  
王宮者蓋士者嫡子庶子者其支庶也

鷄人掌共鷄牲辨其物大祭祀夜嘽日以詔百官凡國之大賓  
客會同軍旅喪紀亦如之凡國事為期則告之時凡祭祀面禳  
繫共其鷄牲嘽呼同詔古弔反

辨其物者辨其陽祀陰祀之駢牲黜牲也呼日以叫百官警  
之以夙興從事也凡祭祀面禳饗耆非一方也曷郊之四廟  
皆禳焉饗以雞血厭妖恠也

三禮考註卷之八

禮考註卷之九

周禮

夏官司馬第四

鄭氏曰夏官司馬者象夏所立之官也馬者武也言為武者也先王制官以探本設司以俟末政以禮為本政以馬為末政可以平諸侯正天下司至於馬則所司皆舉矣  
澄按周官司馬掌邦政統六師平邦國執此以考之有文非其職者釐而正之雜在他官者取而麗之

惟王建國辨方正位體國經野設官分職以為民極乃立夏官司馬使帥其屬而掌邦政以佐王平邦國

九制軍萬有二千五百人為軍王六軍大國二軍次國二軍小

國一軍軍將皆命卿二千有五百人為師師帥皆中大夫五百人為旅旅帥皆下大夫百人為卒卒長皆上士二十五人為兩兩司馬皆中士五人為伍伍皆有長一軍則二府六史胥十人徒百人

伍一比也兩一間也卒一旅也旅一黨也師一州也軍一鄉也家所出一人將帥長司馬者其師史也成周寓兵於農方其無事為農則萬二千五百家而為一鄉鄉大夫卿一人及其有事以為兵則萬二千五百人為一軍軍將皆命卿即鄉大夫之卿也

大司馬之職掌建邦國之九灋以佐王平邦國制畿封國以正邦國設儀辨位以等邦國進賢興功以作邦國建牧立監以維

邦國制軍詰禁以糾邦國施貢分職以任邦國簡稽鄉民以用邦國均守平則以安邦國比小事大以和邦國

澄按司馬掌兵之官以討亂者也制畿封國設儀辨位進賢興功建牧立監等事恐非其職且將帥握闔外重權仍更擅周九法如此幾何而不召僭叛之禍乎周公立法建官決不如是按書明王奉若天道建邦設都樹后王君公左氏亦云天子建國未聞司馬掌兵而擅人主制畿封國之權若謂止於掌營城郭建都邑是又司空之職司馬何預焉又按職方氏九邦國小大相維王設其牧又按王制天子使其大夫為三監監於方伯之國國三人則建牧立監又非司馬之職按春官典命掌諸侯之五儀諸臣之五等之命司服掌公侯伯

子男孤卿大夫之服各有差則設儀辨位亦非司馬之職世  
之學者又有泥王制之文必以進賢興功誠司馬之職夫王  
制之文出於秦火之後傳者或差亦有不可泥者今考王制  
命鄉論秀士升之司徒曰選士司徒論選士之秀者而升之  
學曰俊士士升於司徒者不征於鄉升於學者不征於司徒  
曰造士其後則曰大樂正論造士之秀者以告于王而升諸  
司馬曰進士司馬論辨官材論進士之賢者以告于王而定  
其論論定然後官之任官然後爵之位定然後祿之所謂升  
諸司馬司馬辨論官材者字之謠也司馬之職不與銓衡之  
事余意司馬當作冢宰字按冢宰以八柄詔王馭群臣一曰  
爵以馭其貴二曰祿以馭其富則論辨官材以爵之者乃冢

宰也蓋昔之選用人材始自司徒司鄉論秀至於告于王而  
後付之冢宰以八柄而爵祿之也譬今取士以禮部而官之  
則吏部也然則興賢決非司馬之職按冢宰以九職任萬民  
則施貢分職乃冢宰之職也按司空之文差在地官小司徒  
之職乃頒比法於六鄉之大夫使各登其鄉之衆寡又乃均  
土地以稽其人民則簡稽鄉民乃司空之職也豈有司馬以  
一官而侵數官之職乎

以九伐之灋正邦國馮弱犯寡則青之賊賢害民則伐之暴內  
陵外則壇之野荒民散則削之負固不服則侵之賊殺其親則  
正之放弑其君則殘之犯令陵政則杜之內亂烏獸行則滅之  
馮音平增音善行去聲

馮猶乘陵也伐聲其罪以攻之也暴內暴其國也陵外陵諸侯也壇之者置之空地而更立其次賢者也削之者削其地也負固恃其國之險阻也侵之者兵加其境使之自服也正之殘之者誅其人而渚其宮也犯令謂違棄上命陵政謂陵篋王政杜之者杜塞之使不得與鄰國通也鳥獸行無人倫也滅亦誅去之也

正月之吉始和布政於邦國都鄙乃縣政象之法於象魏使萬民觀政象挾日而斂之乃以九畿之籍施邦國之政職方千里曰國畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿

又其外方五百里曰蕃畿縣平聲

澄按司馬職在掌兵以九畿之籍施邦國之政恐非其職蓋此本文前有制畿封國之言故其後不得不申之以此然以義考之疑其非中以畿字論之惟王都千里得稱爲畿故詩云邦畿千里自此之外或列爲五服或曰九服歷代雖不同然未嘗名之以畿今以畿名九服於義不可畿字當作服字此蓋職方氏之文差誤在此職方既有九服之說則此段當刪如此則司馬專於治兵而不侵他官矣

凡令賦以地與民制之上地食者參之二其民可用者家三人中地食者半其民可用者二家五人下地食者參之一其民可用者家二人令力呈反參音三

澄按司空之文差在地官考小司空之文乃均土地以稽其  
人民而周知其數上地家七人可任也者家三人中地家六  
人可任也者二家五人下地家五人可任也者家二人與此  
文正相合夫是事也司馬掌之則司空不得侵其職司空掌  
之則司馬不得侵其職要之當是司空之職至於軍伍則司  
馬之職也今以小司徒之文考之亦有司馬之文雜在其間  
蓋文之舛錯乃至於此

乃會萬民之卒伍而用之五人爲伍五伍爲兩四兩爲卒五卒  
爲旅五旅爲師五師爲軍以起軍旅以作田役以比追胥

澄按此司馬之文錯在司徒者也今取而歸之於此削去乃  
以九畿之籍與凡令賦以地與民制之兩段而以此一段置

之仲春教振旅之上則文義相聯屬而司馬之職專而不雜  
矣用謂使民時也伍兩卒旅師軍者先王因農事而定軍  
令也欲其恩足相恤義足相救服容相別音聲相識作爲也  
殺功力之事追逐寇也胥伺捕盜賊也

中春教振旅司馬以旗致民平列陳如戰之陳辨鼓鐸鑼鑿之  
用王執路鼓諸侯執賁鼓軍將執晉鼓帥執提旅帥執鼙  
長執鏡兩司馬執鐸公司馬執鑼以教坐作進退疾徐疏數之  
節遂以蒐田有司表貉誓民鼓遂圍禁火弊獻禽以祭社  
中音  
仲康音車鑼直各反鏡女交反鼙音朔貉音媽

九師出曰治兵入曰振旅先王因四時之田以教民戰而春  
曰振旅者取兵入之義以收其衆而使之就農也以旗致民



謂植旗而期民於其下也鐸鑼鏡皆似磬而大小異鐸其至  
大者鐸以通鼓鑼以節鼓鏡以止鼓提者馬上鼓有曲提持  
之故曰提公司馬伍長也有司大司馬也表貉立表而貉祭  
也警民警以犯田法之罰也禁者虞衡守禽之厲禁也既警  
令鼓而圍之火弊者火止也春田主用火因焚萊除陳草皆  
殺而火止矣獻禽者虞人植旌衆皆獻其所獲禽也春田主  
祭祀以土方施生有所焉爾

中夏教菱舍如振旅之陳群吏撰車徒讀書辨號名之用帥  
以門名縣鄙各以其名家以號名鄉以州名野以邑名百官各  
象其事以辨軍之夜事其他皆如振旅遂以苗田如蒐之法車  
弊獻禽以享灼菱滿未反撰音筆

菱舍草止之也軍有草止之法防寇敵也撰等同等車徒謂  
數擇之也讀書契以簿書校錄軍實也號名者徽識也帥謂  
軍將至五長也以門名者所波之徽識如其在門所極者也  
縣鄙謂縣正鄙師至鄰長也家謂食采地之臣也鄉謂州長  
至比長也野謂公邑大夫也百官謂以職從王者也此六者  
皆書其官與名氏焉以門名者古之軍將為營治於國門魯  
東門襄仲宋桐門右師是也以鄉名者如南鄉郵東鄉為人  
是也夜事為戎夜守苗田謂為苗除害也車弊驅馭之車正  
也夏田主用軍示取物少也灼亦謂薄物以祭也

中秋教治兵如振旅之陳辨旗物之用王載大常諸侯載祈軍  
吏載旗師都載旌鄉遂載物郊野載旒百官載旗各書其事與

其號焉其他皆如振旅遂以獮田如蒐田之法羅弊致禽以祀於  
於中秋言教治兵者禮春夏不興師秋乃出兵之時也陳旗  
物所以作戰也辨其用者有所將者有所畫無所將者無所  
畫大常畫日月旂畫交龍旗畫熊虎禮畫雜帛旒畫龜蛇旗  
畫鳥隼獮田順殺氣也羅弊罔止也秋田主用罔中殺者多  
也坊者四方報成萬物之祭也

中冬教大閱前期群吏戒衆庶脩戰法虞人萊所田之野爲表  
百步則一爲三表又五十步爲一表田之日司馬建旗于後表  
之中群吏以旗物鼓鐸鑼鏡各帥其民而致質明弊旗誅後至  
者乃陳車徒如戰之陳皆坐群吏聽誓于陳前斬牲以左右徇  
陳曰不用命者斬之中軍以鼙令鼓鼓人皆三鼓司馬振鐸群

吏作旗車徒皆作鼓行鳴鑼車徒皆行及表乃止三鼓擁鑼群

吏弊旗車徒皆坐又三鼓振鐸作旗車徒皆作鼓進鳴鑼車驟

徒趨及表乃止坐作如初乃鼓車馳徒走及表乃止鼓戒三闕

車三發徒三刺乃鼓退鳴鏡且卻及表乃止坐作如初擁音鹿

仲冬農暇故教大閱以簡車馬習戰陳尤詳於三時萊所田

之野謂芟除其草以便馳驅也表所以正行列者於百步而

立一表二表則三百步又五十步爲一表則四表總三百五

十步左右之廣當容三軍其步數隨軍多少可矣建旗後表

之中謂第四表之中央也質明弊旗謂期衆之至須早故明

以仆旗後至者誅皆坐以當聽誓也陳前謂南面鄉表也中

軍謂中軍將也令鼓者鼓以作士氣也鼓人師帥旅帥也司

馬謂兩司馬振鐸以作衆也及表乃止謂自後表前至第二表也三鼓擁鐸擁者掩鐸之上而振之所以止行息氣也又三鼓而車驟徒趨及表乃止謂自後二表前至第三表也又三鼓而車馳徒走及表乃止謂自第三表前至前表也鼓戒謂戒攻敵也每鼓一闕則車一轉徒一刺至三而止衆敵服矣鳴鐸且却謂軍退則卒長鳴鐸以和衆鼓及表乃止謂退自前表至後表而止也

遂以狩田以旌爲左右和之門群吏各帥其車徒以叙和出左右陳車徒有司平之旗居卒間以分地前後有屯百步有司巡其前後險野人爲主易野車爲主既陳乃設驅逆之車有司表貉于陳前中軍以鼙令鼓鼓人皆三鼓群司馬振鐸車徒皆作

遂鼓行徒銜枚而進大獸公之小禽私之獲者取左耳及所擊鼓皆馘車徒皆譟徒乃弊致禽饁獸于郊入獻禽以享烝驅去

冬田爲狩言守而取之無所擇也軍門曰和立兩旌爲之以和出者用次第出和門者也左右者或出門而左或出門而右有司平之者鄉師居門正其出入之行列也旗居卒間以分地者軍吏所載之旗各有分地而調其部曲之疏數也前後有屯百步者車徒異群相去如是之遠也險野人爲主人居前易野車爲主車居前驅逆之車驅者驅出禽獸使居前也逆者逆要不得令走也群司馬謂兩司馬枚如箸銜之有繡結項中以止軍語也大獸公之輸於公小獸私之以自

異獲者取左耳當計其功也及所弊至旗仆之處也鼓駃車  
譟象勝敵而喜也宗廟冬祭曰烝夫四時之田名雖不同而  
事則無異其得也非徒利於原獸之獲而實以寓其講武之  
政故於春曰如戰之陳於夏曰如振旅之陳於秋又曰振旅  
之陳於冬曰教衆庶脩戰法春而辨鼓鐸鑼鑠教坐作進退  
夏而辨名號之殊或夜守之殊事秋則辨旗物冬則立四表  
聽戒誓凡此衆事於四時教戰莫不然也其每時各言入者  
豈非互見其義哉然冬者三農之既暇也百物之皆備也故  
教戰而曰大閱獵獸而曰狩田見其獨詳於三時也是故後  
至有誅期貴阜也斬牲以徇法必行也鼓人之三鼓鑼鑠鑠  
之間用衆莫不聞也旗之有時而作有時而偃衆莫不見也

車徒之以行以驟以趨以走其疾徐有法也及表而止不敢  
以踰也車之三發徒之三刺其赴敵有節也至於和門之出  
而左右分列則部伍之不亂也車徒以屯而軍師巡察則次  
舍之不紊也險野人居前易野車居前則以戰以守必無敗  
也從獸而或驅或逆猶遇敵而或攻其前或攻其後也擊鼓  
以行銜枚以進猶攻敵以將令之必行士心之不惑也及殺  
獸之所而鼓聲皆駭車徒皆譟猶勝敵而勇氣之益倍所向  
之必克也王者之兵固不尚於詭詐而堂堂之陣正正之旗  
善陳不戰善戰不敗於是可見蓋兵者凶器戰者危事聖人  
於安寧之時不欲黷武故因蒐狩之禮而寓講武之法然後  
蠻夷不侵而姦宄以息夫歷代創業之君固多明於是法而

承平之主尤宜留意周公之誥成王則曰誥爾戎兵召公之  
戒康正則曰張皇六師大司馬之因田而教戰其意亦若是  
乎

及師大合軍以行禁令以救無辜伐有罪若大師則掌其戒令  
治大小帥執事治釁主及軍器及致建大常比軍衆誅後至者  
及戰巡陳眠事而賞罰若師有功則左執律右秉鉞以先愷樂  
獻于社

及師大合軍謂王巡狩或會同之時也若大師謂王出征伐  
也及致謂聚衆也比較次也左執律所以聽軍聲也右秉鉞  
所以爲將威也

若師不功則厭而奉主車王弔勞士庶子則相大後與慮事屬

其植受其要以待考而賞誅大會同則帥士庶子而掌其政令  
若大射則合諸侯之六耦大祭祀饗食羞牲魚授其祭大喪平  
士大夫喪祭奉詔馬牲厭入音勞去聲相去聲植音治

厭謂厭冠喪服也軍敗以喪禮處之奉主車謂送神主歸廟  
社吊勞謂師敗則王親弔士庶子之死者而勞問其傷者皆  
大司馬相其禮大後築城邑也與慮事者城築本封人之職  
而司馬與其謀慮也植謂植幹也要謂簿書也大射者王將  
祭而射于射宮以選賢也六耦者王射三侯以諸侯爲六耦  
平士大夫謂王喪則平一群臣之喪服也

小司馬之職掌建邦國之政以治六軍焉掌邦之九伐之貳以  
逆衆庶車馬兵甲之戒令中春佐大司馬教振旅平列陳辨鼓

鐸鑼鑼之用以教坐作進退疾徐疏數之節以蒐田有司表貉誓民鼓遂圍禁火弊獻禽以祭社中夏佐大司馬教芟舍群吏撰車徒讀書契辨號名之用與夫軍之夜事以苗田車弊獻禽以享初中秋佐大司馬教治兵辨旗物之用各書其事與其號焉以獮田羅弊致禽以祀枋中冬佐大司馬教大閱群吏戒衆庶脩戰濩虞人萊所田之野爲表建旗于後表之中群吏以旗物鼓鐸鑼鑼帥其民而致誅後至者陳車徒如戰之陳鼓進鳴鑼車驟徒趨及表乃止坐作如初乃鼓車馳徒走及表乃止鼓戒三閱車三發徒三刺乃鼓退鳴鑼且卻及表乃止坐作如初以狩田乃弊致禽饁獸于郊入獻禽以享蒸凡小祭祀會同饗射師田喪紀掌其事如大司馬之灋

澄按小司馬之文闕漢求之不得遂無識其數者愚竊取大司馬之文以補之云

軍司馬 輿司馬 行司馬

澄按此三司馬之官咸闕不敢妄意而補

都司馬掌都之士庶子及其衆庶車馬兵甲之戒令以國灋掌其政學以聽國司馬家司馬亦如之政音在

都王子弟所封及三公采地也士謂公卿大夫之適子庶子衆子也衆庶謂其都之民也政謂賦稅也學謂脩德講道也聽者受行其所徵爲也國司馬大司馬之屬家司馬大夫家臣爲司馬者

量人掌建國之灋以分國爲九州營國城郭營后宮量市朝道

巷門渠造都邑亦如之營軍之壘舍量其市朝州涂軍社之所  
里邦國之地與天下之涂數皆書而藏之

量度也謂以丈尺度地之廣狹建國之法謂辨方而正位市  
朝者王立朝后立市朝在前市在後道巷所以通往來門以  
出入渠以通水壘軍壁也舍軍舍也軍社社之在軍者出師  
必載社主以行也

九祭祀饗賓制其從獻脯膳之數量掌喪祭奠窆之俎實九宰  
祭與爵人受筭歷而皆飲之

澄按量人之職掌建國之法至於營軍之壘舍則量其地而  
處之初不預祭祀之事蓋術文也若夫九宰祭與爵人受筭  
歷而皆飲之此又曾人之文差錯在此其詳在爵人

掌固掌脩城郭溝池樹渠之固領其士庶子及其衆庶之守設  
其飾器分其財用均其稍食任其萬民用其財器九守者受法  
焉以通守政有移甲與其投財用唯是得通與國有司帥之以  
贊其不足者晝三巡之夜亦如之夜三警以號戒若造都邑則  
治其固與其守灋九國都之竟有溝樹之固亦如之民皆有  
職焉若有山川則因之九守之守去聲警音竟境通

國所依阻曰固掌之者浚溝之士以為城鑿池之士以為郭  
外有渠以通水而植木其上九此皆所以為固也設其飾器  
謂兵甲之屬也以通守政謂兵甲財用或多或少以轉移相  
給也警鼓者戒守之鼓以警惰者

司險掌九州之圖以周知其山林川澤之阻而達其道路設國

之五溝五涂而樹之林以爲阻國皆有守禁而達其道路國有  
故則藩塞阻路而止行者以其屬守之唯有節者達之塞入聲  
在國曰固在野曰險周知者觀其圖則徧知其險阻也山林  
之阻則開鑿之川澤之阻則橋梁之五溝者遂溝洫澮川五  
涂者徑畛涂道路樹之林作藩落也藩塞阻路謂閉絕要害  
之道以備姦寇也

掌疆

闕

侯人掌其方之道治與其禁令以設候人若有方治則帥而致  
于朝及歸送之於竟與竟同

侯人主侯迎賓客之官道治謂治道也以設候人者選士卒  
以爲之也方治謂其方來治國事也

環人掌致師察軍應環四方之故巡邦國搏謀賊訟敵國揚軍  
旅降圍邑降平聲

環猶郤也以勇力郤敵也致師者謂將戰先使勇士犯敵所  
以致其來敵也慝陰姦也察軍應視軍中有爲陰姦者執之  
也環四方之故謂郤其謀來侵伐者所謂折衝禦侮者也搏  
謀賊謂敵人所遣陰詢國事者見則執之也訟敵國謂敵來  
則往與之訟曲直也降圍邑謂欲降者受之也

大僕掌正王之服位出入王之大命掌諸侯之復逆王砥朝則  
前正位而退入亦如之建路鼓于大寢門之外而掌其政以待  
建窮者與遽令聞鼓聲則速逆御僕與御庶子

正王服謂王所當衣也正王位謂王之立處也出大命王之



教也。入大命，群臣所奏行也。諸侯之復逆，謂或有所報也。或有所陳奏也。前正位而退，謂王既立，大僕乃退居路門左，以待朝畢也。建路鼓于大寢門之外，非唯以鼓為朝事早晚之節，蓋亦如後世之登聞鼓焉。窮謂窮寃失職者，遽令謂事當急聞者之政令也。御僕御庶子二官皆直事於鼓所者，若聞鼓聲則大僕即速迎此二官而受其事也。

祭祀賓客喪紀正王之服位，詔灋儀贊王牲事，王出入則自左馭而前，驅九軍旅田役贊王鼓救日月亦如之。大喪始崩，戒鼓傳達于四方，變亦如之。縣喪首服之灋于宮門，掌三公孤卿之弔勞王燕飲則相其灋，王射則贊弓矢，王眡燕朝則正位，掌擯相王不眡朝則辭於三公及孤卿。

自左馭謂導引而居左，自馭不駮乘以避王也。戒鼓謂擊鼓以警眾也。空奠下椁也。首服之法謂免髮并總，廣狹長短之數懸書宮門示四方也。燕朝謂朝於路寢之庭，禮王圖宗入之嘉事則燕朝也。免音問，髮非瓜反。

懷方氏掌來遠方之民，致方貢，致遠物而送迎之，達之以節，治其委積，節舍飲食。

懷才也。來遠方之民也。諭德延譽於四夷使之自至也。遠物九州之外無貢法而至者，達民以旌節，達貢物以璽節，委積以備其用，節食以安其居，飲食以順其好。

合方氏掌達天下之道路，通其財利，同其數，器壹其度量，除其怨惡，同其好善，好呼報反。

合者合同四方之事也通財利貿遷有無以相濟也同數器  
權衡不得有輕重也壹度量丈尺金鍾不得有大小也除怨  
惡邦國不得相侵虐也同好善謂所好善必同歸于正者也  
大馭掌馭玉路以祀及祀馭王自左馭馭下祝登受繼祀較遂  
驅之及祭酌僕僕左執轡右祭兩軹祭軹乃飲九馭路行以肆  
夏趨以采齊九馭路儀以鸞和為節較音跋祝音呪軹音範  
行山曰較祀較者封土象山以苦芻棘栢為主既祭以車轅  
之而去喻無險難也王自左馭謂大馭當下車故王自馭以  
制馬使不行也馭下祝大馭下車祝神也酌僕以酒飲之也  
右祭兩軹軹謂兩轡轡者車軸之端也謂僕以右手舉酒澆  
車軸之兩頭也祭軹謂又以酒澆車轅也肆夏及采齊樂章

也行謂大寢至路門也趨謂路門至應門也鸞在衡和在軹  
皆以金為鈴為節者以節其舒疾也其音負軹音止轡音衛

二禮考註卷之九

三禮考註卷之十

周禮

戎右掌戎車之兵革使詔贊王鼓傳王命于陳中會同充革車  
盟則以玉敦辟盟遂殺之贊牛耳挑剗使陳並去聲敦音對

戎右驂乘也兵革使謂王使之有所誅斬也會同充革車言  
王雖乘金路猶以革路從行也敦槃類珠玉以為飾古者以  
盤盛血以敦盛食有疑則盟盟詛也辟開也將殺血者先執  
其器為衆陳其載書之辭使衆心皆開辟也遂殺之謂持敦  
血以授當殺者贊牛耳謂割牛耳取血盛以珠槃使尸盟者  
執之而戎右贊其事也挑剗謂血在敦中以挑條為帚而掃  
拂其不祥亦戎右為之也

齊右掌祭祀會同賓客前齊車王乘則持馬行則陪乘凡有牲事則前馬齊側皆反乘去聲

齊右者充玉路金路之右也陪乘謂參乘蓋齊右與齊僕同車也牲事則前馬蓋王見牲則拱而式齊右居馬前却行以備驚奔也

道右掌前道車王出入則持馬陪乘如齊車之儀自車上諭命于從車詔王之車儀王式則下前馬王下則以蓋從

道右者象路之右也象路曰道車者王出入道中也車儀者動容周旋之儀也

戎僕掌馭戎車掌王倅車之政正其服犯較如玉路之儀凡巡守及兵車之會亦如之掌凡戎車之儀

僕亦侍御于車者戎車革路也師出王乘以自將也倅副也服謂衆乘戎車者之衣服也

齊僕掌馭金路以賓朝覲宗遇饗食皆乘金路其灋儀各以其等為車送逆之節齊側皆反食音嗣

以賓謂待賓也法謂度數儀謂動容送逆之節謂王迎送賓客也上公九十步侯伯七十步子男五十步是也

道僕掌馭象路以朝夕燕出入其灋儀如齊車掌馭車之政令朝音潮

道僕者御王以行先王之道也朝見群臣曰朝暮見曰夕燕謂自內外朝乘象路以還燕寢政以正之令以命之

田僕掌馭田路以田以鄙掌佐車之政設驅逆之車令獲者植

旌及獻比禽九田王提馬而走諸侯晉大夫馳比毗志反驅遊  
並去聲直吏反

田路水路也以鄙謂巡行縣鄙也驅者驅禽使前逆者逆而  
還之使不得出圍植旌謂豎旗以告獲也比禽數其多少也  
提猶舉也晉猶抑也使人叩馬而舉之抑之皆以止奔也馳  
則放而不叩也

馭夫掌馭貳車從車使車分公馬而駕治之從使皆去聲

貳車象路之副也從車戎車田車之副也使車驅逆之車也  
分公馬而駕治謂乘調六種之馬

銜枚氏掌司蹕國之大祭祀令禁無蹕軍旅田役令銜枚禁蹕  
呼歎鳴於國中者行歌哭於國中之道者蹕音呼去聲

澄按此秋官也然軍旅田役令銜枚固非刑官事也詩東山  
征伐曰勿士行枚釋者謂行陣銜枚之事則是用兵之事情  
矣況大司馬亦有遂鼓行徒銜枚而進之則是官合麗于夏  
官者也蹕喧聲也枚狀如箸橫銜之爲之縷以結於項司蹕  
謂於朝會而察其蹕謹也禁嗚呼歌哭者爲其感衆也

司右掌群右之政令九軍旅會同合其車之卒伍而比其乘屬  
其右九國之勇力之士能用五兵者屬焉掌其政令

群右謂戎右齊右道右也勇力之士屬焉以當於其中而選  
群右也司馬法曰弓矢圍受矛守戈戟助九五兵長以衛短  
短以救長

挈壺氏掌挈壺以令軍井挈轡以令舍挈釜以令糧九軍事縣

壺以序聚櫟九喪懸壺以代哭者皆以水火守之分以日夜及冬則以火爨鼎水而沸之而沃之音本櫟析通

令軍井謂穿井成則懸壺其上令衆知有井也令舍謂軍當舍止則懸轡於其處令衆知當舍於此也令糧謂軍當給糧則懸畚於其處令衆知是處有糧也蓋壺者盛水之器轡者駕馬之物畚者盛糧之器軍中人多號令難聞故各以其器為表則省煩趣疾而便於事也懸壺者懸壺水以為沃漏者聚者聚擊櫟櫟蓋以兩木相敲以備守也必有更漏則守尸而哭者可相代矣守壺以水為沃漏也守壺以火夜則視其刻數也分以日夜者九漏之箭晝夜共百刻冬夏之間有長短焉大史立成法其箭有四十八也以火爨鼎水謂冬而水

凍漏不下則以火沸水而沃之故曰沃漏

方相氏掌蒙熊皮黃金四目玄衣朱裳執戈揚盾帥百隸而時難以索室歐疫大喪先匱及墓入壙以戈擊四隅歐方良方相並去聲難難通先去聲方良音問兩

方相猶言放想謂可畏懼之貌蒙熊皮者以驚歐疫鬼如今魘頭也時儼謂以時而儼月令季冬命國儼是也索室謂入家室而索求鬼物逐之也大喪先匱謂為之前導若指示喪車然方良問兩也國語曰木石之恠變罔兩水石之怪龍罔兩壙穿地為窆今之墓穴也

隸僕掌五寢之掃除糞洒之事祭祀脩寢王行洗乘石掌蹕宮中之事大喪復于小寢大寢婦素報反

五寢五廟之寢也周天子七廟唯祫無寢前曰廟後曰寢祀  
婦曰婦婦席前曰拊糞拊同乘石謂王登車之石也小寢高  
祖以下朝之寢也始祖曰大寢 拊方問反

虎賁氏掌先後王而趨以卒伍軍旅會同亦如之舍則守王閑  
王在國則守王宮國有大故則守王門大喪亦如之及葬從遣  
車而哭適四方使則從士大夫若道路不通有徵事則奉書以

使於四方 先大音

勇而疾走曰虎賁又憤怒也以卒伍謂眾虎賁各有局分也  
舍謂王出而止宿之處也閑謂柩柩即門外行馬也使於四  
方者為兵寇道路不通故使虎賁為使也

旅賁氏掌執戈盾夾王車而趨左八人右八人車止則持輪九

祭祀會同賓客則服而趨喪紀則衰葛執戈盾軍旅則介而趨  
旅者主旅力而衛王者夾王車者下士十六人分居左右而  
中士為之帥服而趨亦謂夾王車也介甲冑之屬

司甲闕

司兵掌五兵五盾各辨其物與其等以待軍事及授兵從司馬  
之灋以頒之及其受兵輸亦如之及其用兵亦如之祭祀受舞  
者兵大喪斂五兵軍事建車之五兵會同亦如之 看常允反

五兵者戈及戟酋矛夷矛也五盾者干櫓之屬辨其物則其  
用各有所宜辨其等則其制有長短小大也兵輸謂師旋而  
納兵器也用兵謂出給衛守也祭祀授兵授以朱干玉戚也  
斂五兵謂陳明器之五兵車之五兵即前之五兵也若步卒

之五兵則無夷矛而有弓矢

司戈者掌戈盾之物而頒之祭祀授旅賁及故士戈者授舞者兵亦如之軍旅會同授貳車戈者建乘車之戈者授旅賁及虎士戈者及舍設藩盾行則斂之

乘去聲

及如杖長尋有四尺故士謂王族故士也乘車王所乘車也軍旅則革路會同則金路藩盾謂盾可藩衛者如今之扶蘇也

司弓矢掌六弓四弩八矢之灋辨其名物而掌其守藏與其出入中春獻弓弩中秋獻矢箛及其頒之王弓弧弓以授射甲革楛質者夾弓庾弓以授射豸侯鳥獸者唐弓大弓以授學射者使者勞者其矢箛皆從其弓

楛音歲庾音庚豸音岸

法謂曲直長短之數箛盛矢器也以獸皮爲之弓弩成於陽氣方和之時故仲春獻之矢箛成於陰氣將堅之時故仲秋獻之王弓弧弓往體寡來體多夾弓庾弓往體多來體寡唐弓大弓往體來體若一甲革謂以革爲甲也質正也樹楛以爲射正也射甲與楛試之習武也豸侯五十步及射鳥獸皆近射也近射用弱弓則射大侯者用王弧射參侯者用唐大矣唐大以授學射者既中後乃習強弓則易也勞者謂勤勞王事者矢箛各從其弓謂每弓一箛百矢也

九弩夾庾利攻守唐大利車戰野戰九矢在矢絜矢利火射用諸守城車戰殺矢鏃矢用諸近射田獵贈矢第矢用諸弋射恒矢庫矢用諸散射

鏃音候庫音備散上聲



枉矢殺矢矰矢恒矢弓所用也絜矢鏃矢第矢庠矢弩所用也枉矢者名曰變星飛行見有光今之飛矛是也而絜矢象焉利火射謂結火以射敵也又利守城車戰以備前稍重後微輕而行疾也殺矢言中則死而鏃矢象焉鏃之言倏也二者皆可以俟倏射敵之近者又可以射禽獸以其前尤重中深而不可遠也矰矢者矰高也謂結繳於矢也而第矢象焉第之言荆也二者皆可以弋飛鳥而刺羅之以其前稍重後微輕而行不低也恒矢者安車之矢也而庠矢象焉庠之言倫比也二者皆可以散射也謂禮射及習射以其前後訂而其行平也凡矢之制枉矢之屬五分二在前三在後殺矢之屬參分一在前二在後矰矢之屬七分三在前四在後恒矢

之屬車朝中所謂志也刺乎物及朝音朝

天子之弓合九而成規諸侯合七而成規大夫合五而成規士合三而成規句者謂

弓牲體寡來體多則合多牲體多來體寡則合少天子之弓

王弧也其體不甚曲故合九弓而成一規諸侯之弓唐大也

其體稍曲故合七弓而成一規大夫之弓夾庠也其體愈曲

故合五弓而成一規士之弓斗力也其體極曲故合三而成

規句曲也夔惡也句者夔則直者爲良矣

九祭祀共射牲之弓矢澤共射楛質之弓矢大射燕射共弓矢

如數并夾大喪共明弓矢九師役會同頒弓弩各以其物從授

兵甲之儀田弋充龍箠矢共矰矢九亡矢者弗用則更射音石

射牲示親殺也澤謂澤宮所以習射選士之處也并夾謂矢  
箭也明弓矢謂明器之弓矢也籠竹籠也矰矢不在籠者為  
其相繞亂將用乃共之更償也凡亡矢者用而棄之則不償  
若不用而亡之則償也考此文上述六弓八矢了無一言及  
四弩者工弓人亦不及四弩得非有逸文乎

繕人掌王之用弓弩矢箠矰弋決拾掌詔王射贊王弓矢之事  
凡乘車充其籠箠載其弓弩既射則斂之無會計

繕之言勁也善也矰謂弋射之矢也弋即繳也謂以生絲縷  
而繫矢者也決謂挾矢時所以持弦飾也着右手巨指一曰  
引弦驅也拾謂引弦者一曰構并也着右臂裏以韋為之無

會計謂亡敗多少不計也

橐人掌受財于職金以齎其工弓六物為三等弩四物亦如之  
矢八物皆三等箠亦如之春獻素秋獻成書其等以饗工乘其  
事試考其弓弩以下上其食而誅賞乃入工于司弓矢及繕人  
九齎財與其出入皆在橐人以待會而考之亡者闕之

試當作考箭幹曰橐此官主弓弩箭矢故曰橐人齎其工者  
給市財用之直也弓六物謂王弧夾唐大其斗力強弱分  
為上下中三等入各有所宜弩四物謂夾唐大也矢八物  
謂在繫殺錐矰第拉痺也皆分三等盛矢之箠亦如之弓弩  
矢箠春作而秋成故春獻其胎素及秋方獻其成書其工拙  
之等降以制其享食之厚薄也乘其事謂計其事之成功也

考其弓弩以上下其食謂考之而善則上其食充善則又賞之其否反此亡者闕之謂弓弩矢箠棄亡者除之不會計也  
弓人職曰弓長六尺六寸謂之上制上士服之長六尺三寸謂之中制中士服之長六尺謂之下制下士服之此其制也  
射人掌國之三公孤卿大夫之位三公北面孤東面卿大夫西面其摯三公執璧孤執皮帛卿執羔大夫執鴈諸侯在朝則皆北面詔相其法若有國事則掌其戒令詔相其事掌其治達位者將射始入見君之位也不言士者此與諸侯之賓射士不與也三公北面以答君也孤卿大夫東西面者以佐佑王也各執摯以見者致其始見之禮也諸侯北面者從三公之後也國有祭事則告助祭諸侯以齊戒之期相其執事其善

治射事者則達之於王

以射法治射儀王以六耦射三侯三獲二容樂以騶虞九節五正諸侯以四耦射二侯二獲二容樂以狸首七節三正孤卿大夫以三耦射一侯一獲一容樂以采蘋五節二正士以三耦射一獲一容樂以采芣五節二正

射法射禮之法射儀者謂侯獲容與樂節也兩人爲耦六耦十二人也侯今之射塚也天子之射三侯者熊虎豹也容者乏也待獲者之所蔽也騶虞九節者樂凡九節也五節以聽四節以射正者所射之鵠也五正之侯畫以雲氣五采蒼朱白玄黃諸侯之射二侯者熊豹也狸首七節者三節以聽四節以射三正者畫以朱白蒼也卿大夫之射一侯者豹也采

頤五節一節以聽四節以射二正者畫以朱綠也士之射豕  
侯者豕胡犬也以豕皮飾侯下於大夫也采繫五節者亦一  
節以聽四節以射也

若王大射則以狸步張三侯王射則令去侯立于後以矢行告  
卒令取矢祭侯則爲位與太史數射中佐大司馬治射正數上  
王大射將祭而擇士之射也狸步謂一舉足爲一步也狸善  
搏行則止而擬度焉其發必獲是以量侯道法之也侯道者  
各以弓爲度九節者九十弓七節者七十弓五節者五十弓  
弓之下制長六尺令去侯立于後謂射人主令人去侯所向  
立于其後以矢行之高下左右告于王也卒令取矢謂射畢  
則射人使人取矢也數射中謂數射者中侯之筭也射正謂

### 射之法儀也

祭祀則贊射牲相孤卿大夫之法儀會同朝覲作大夫介凡有

爵者大師令有爵者乘王之倅車有大賓客則作卿大夫從戒

大史及大夫介大喪與僕人遷尸作卿大夫掌事比其廬不敬者尚罰之

贊射牲者贊王也國語曰禘郊之事天子必自射其牲作大

夫介者諸侯來朝王使公卿有事則大夫爲介謂之作者射

人請之於大夫也凡有爵者謂命士以上亦作之爲介也倅

車謂戎車之副也僕人謂大僕也僕人與射人俱掌王之朝

位故與之同遷尸遷尸者於大斂之後遷於室堂黜之也

服不氏掌養猛獸而教擾之凡祭祀共猛獸賓客之事則抗皮

射則贊張侯以旌居之而待獲擾音柔

服不者服不服之獸也猛獸虎豹熊羆之屬擾馴也教獸而使馴服也抗舉也賓客來朝布皮帛則服不氏舉而藏之也之謂待獲者所蔽也以旌居之而待獲謂待射者中而服不氏舉旌以獲也

射鳥氏掌射鳥祭祀以弓矢歐鳥鳶凡賓客會同軍旅亦如之射則取矢矢在侯高則以并夾取之

射食亦反

註闕

羅氏掌羅鳥鳥蜡則作羅禱中春羅春鳥獻鳩以養國老行翔也蜡十二月大祭萬物也作猶用也禱與縹同網之猶密者春鳥謂鵙而始出者如今南郡黃雀之屬也是時鷹化為鳩

鳩與春鳥變舊為新宜以養老助生氣行羽物謂之頒賜畢音匹

掌畜掌養鳥而阜蕃教擾之祭祀共外鳥歲時貢鳥物共膳獻之鳥

畜謂斂而養之阜盛也蕃蕃息也鳥之可養者謂鷩鷩之屬外鳥謂其外可薦者貢鳥物謂鷩鷩之屬以時而來者膳獻之鳥謂雉及鷩鷩之屬

馬質掌質馬量三物一曰戎馬二曰田馬三曰騫馬皆有物賈

綱惡馬賈賈通

質平也主買馬而平其價直也量三物者三馬之材必量其高下然後可知其價也戎馬以共兵戎之事田馬以共田獵

之事為馬驚下之材以其冗事物價謂物色與價直也綱惡  
馬謂馬之惡者以索綱維之使之馴習可乘也

凡受馬於有司者書其齒毛與其價馬死則旬之內更旬之外  
入馬耳以其物更其外否馬及行則以任齊其行若有馬訟則  
聽之禁原蠶者更音庚

受馬於有司謂無馬而請給官馬者書齒毛與價謂若買而  
書契也更償也入馬耳未詳齊其行者謂量其所載輕重與  
其道里之遠近而齊其勞逸乃復用之也原再也天文辰為  
馬蠶為龍精與馬同祖月直大穴則浴其種是蠶與馬同氣  
物莫能兩大蠶盛則馬衰禁再蠶者恐傷馬也

校人掌王馬之政辨六馬之屬種馬一物戎馬一物齊馬一物

馬一物田馬一物驚馬一物種上聲齊側皆反

校之為言校也主馬者必仍校視之校人馬官之長政謂差  
擇乘養之數種謂馬之至良可以為種者玉路用之一物者  
謂以一類相從也戎路駕戎馬金路駕齊馬象路駕道馬田  
路駕田馬驚馬給宮中之役焉此六馬之辨月令曰班馬政  
者此也

凡頒良馬而養乘之乘馬一師四圉三乘為阜阜一趣馬三阜  
為繫繫一馭夫六繫為旣旣一僕夫六旣成校校有左右驚馬  
三良馬之數麗馬一圉八六麗一師八六師一趣馬八六趣馬  
一馭夫

良馬五路之馬皆良善者也乘馬一師四圉謂一乘之馬四

匹則一人爲師四人爲廝養也三乘爲阜阜之言四也阜一  
趣馬下士也三阜爲繫繫縛也繫一馭夫中士也六繫爲廐  
廐聚也廐一僕夫上士也六廐成校六馬各一廐共成一校  
校有左右則良馬一種者四百三十二匹五種合二千一百  
六十四匹駑馬三之則爲千二百九十六匹五良一駑凡三千  
四百五十六匹然後王馬大備麗耦也駑馬自圉至馭夫凡  
馬千二十四匹與三良馬之數不相應八皆宜爲六字之誤  
也師十二匹趣馬七十二匹則馭夫四百三十二匹矣然後  
而三之既三之無僕夫者不駕於五路卑之也

天子十有二閑馬六種邦國六閑馬四種家四閑馬二種凡馬  
特居四之一

閑猶闌也以木距門防馬者也六廐成校校有左右故十二  
閑也六種者種馬戎馬齊馬道馬田馬駑馬也邦國六閑者  
則齊馬道馬田馬爲三閑而駑馬三之四種者無種與戎也  
家四閑者卿大夫良馬一閑駑馬三閑二種者止有田駑也  
特居四之一特壯馬也三牝一牡欲其生之衆也

春祭馬祖執駒夏祭先牧頌馬攻特秋祭馬社臧僕冬祭馬步  
獻馬講馭夫

馬祖天駟也綿書曰房爲龍馬執駒爲拘執馬之小弱者蓋  
春乃通淫之時駒弱血氣未定爲其乘匹而傷之也先牧謂  
始養馬者其人未聞夏通淫之後攻其特爲其蹄齧不可乘  
用故因夏頌馬而攻鑿其蹄馬社謂始乘馬者世本作曰相

士作乘馬減僕謂簡練馭者令皆善也又曰馭五路之僕也  
馬步謂神為馬之裁害者馭馬謂獻成馬於王也講馭夫亦  
謂簡習馭馬之人也

凡大祭祀朝覲會同毛馬而頒之飾幣馬執扑而從之凡賓客  
受其幣馬大喪飾遣車之馬及葬埋之田獵則帥驅逆之車凡  
將事于四海山川則飾黃駒凡國之使者共其幣馬凡軍事物  
馬而頒之等馭夫之祿宮中之稍食

毛馬齊其色也幣馬以馬與幣同遺贈者扑鞭策也賓客諸  
侯之朝王者受其庭實之馬遣車之馬塗車之芻靈也黃駒  
黃中之色天子過各山川殺駒以祈沆也物馬齊其足力者  
稍食餼廩也

趣馬掌贊正良馬而齊其飲食簡其六節掌駕說之頒辨四時  
之居治以聽馭夫

趣蒼走反說音院

趣馬趣養馬者也詩曰蹶維趣馬簡其六節謂差擇良馬以  
為六等也駕說者駕以行說以止有勞逸之節故叙而頒之  
也居謂牧序所處之宜治謂執駒攻特之屬

序音雅

巫馬掌養疾馬而乘治之相醫而藥攻馬疾受財於校人馬死  
則使其賈粥之入其布于校人

賈價通粥育通

巫馬知馬祖先牧馬社馬步之神者馬疾若有犯焉則知之  
是以使與醫同職乘治之謂驅馬以知其疾之所在而治之  
也相助也布泉也粥言具也

牧師掌牧地皆有厲禁而頒之孟春焚牧中春通淫掌其政令



九田事贊焚萊

牧師主牧馬者頒之謂頒馬授圉人所牧處也焚牧焚牧地以除陳生新草也仲春陰陽交萬物生之時可以合馬之牝牝也月令季春乃合累牛騰馬遊牝于牧此秦書也秦地寒涼萬物後動故遲一月焚萊者山澤之虞也

庾人掌十有二閑之政教以阜馬佚特教駝攻駒及祭馬祖祭閑之先牧及執駒散馬耳圉馬正校人員選馬八尺以上為龍七尺以上為駉六尺以上為馬駝音筆

庾之言隱也以閑者馬之所隱也自阜馬至圉馬凡九事皆有政教焉阜馬者使之盛壯也佚特佚逸同不使過勞以安其血氣也馬三歲曰駝二歲曰駒教駝始乘習之也攻駒謂

乘其蹄鬻者閑之先牧謂先牧之制閑者散馬耳謂以竹括押馬且其頭動搖則括中物後遂串習不驚也圉馬謂養之也負選謂選擇可備負平之人也天子所駕五路之馬曰龍駉牝驪牡玄駒裏駉

圉師掌教圉人養馬春除羣釁廐始牧夏序馬冬獻馬射則充堪質茨牆則剪鬮

房音遊

養馬之所曰圉羣馬茲也春除羣者馬既出而除之也釁廐謂廐新則以牲血塗之也序廐也所以芘馬使之涼也充猶居也堪質所用以射者茨蓋也鬮苦也

圉人掌養馬芻牧之事以役圉師凡賓客喪紀牽馬而入陳斂馬亦如之

圉人所掌者以芻牧而養馬者備使令於圉師也賓客之馬王所以賜之者喪紀之馬死後所薦之馬人捧之亦牽而入陳也

司隸 罪隸 蠻隸 閩隸 夷隸 貉隸

澄按此秋官也考其文皆守禦畜牧等事觀於役服不氏可見矣合麗于此

司隸掌五隸之灋辨其物而掌其政令帥其民而搏盜賊役國中之辱事爲百官積任器凡囚執人之事邦有祭祀賓客喪紀之事則役其煩辱之事掌帥四翟之隸使之皆服其邦之服執其邦之兵守王宮與野舍之厲禁

隸給勞辱之役者漢始制司隸亦使將徒治道溝渠之役後

稍尊之使主官也及近郡五隸謂罪隸及四翟之隸也物謂衣服兵器之屬謂五隸之民任器謂百官所當任用之器此官主爲之積聚也煩辱之事如士喪禮所謂隸人溲廁是也服邦服以其所素安執邦兵以其所素習此所謂修其教不易其俗也野舍王所止舍

罪隸掌役百官府與凡有守者掌使令之小事凡封國若家牛助爲牽傍其守王宮與其厲禁者如蠻隸之事傍步浪反

罪隸盜賊之家爲奴者封國謂建諸侯家謂立大夫也牛助爲牽傍者有助國之牛或牽之於前或傍之在旁皆罪隸爲之送致之也

蠻隸掌役校人養馬其在王宮者執其國之兵以守王宮在野

外則守厲禁

蠻隸者征南夷所獲也所掌者為校人養馬其餘執事並同罪隸焉

閩隸掌役畜養鳥而阜蕃救擾之掌子則取隸焉

閩南蠻之別類掌子者王立世子置臣使掌家事而以閩隸役之也

夷隸掌役牧人養牛馬與鳥言其守王宮者與其守厲禁者如蠻隸之事

夷隸謂征東夷所獲者與鳥言謂夷狄之人其音如鳩舌或通曉夫鳥獸之言也

貉隸掌役服不氏以養獸而救擾之掌與獸言其守王宮者與

其守厲禁者如蠻隸之事

貉隸謂征東北夷所獲者凡隸衆矣此其選以為役負其餘謂之隸民也役服不氏謂受役於服不氏也不言阜蕃者猛獸不可服又不生乳於圈檻也通獸言者若春秋傳曰介焉盧聞牛鳴曰是生三犧皆用矣是其驗也

三禮考註卷之十

三禮考註卷之十一

周禮

秋官司寇第五

鄭氏曰秋官司寇者象秋所立之官寇者害也先王之治先之以德禮而輔之以刑政故司寇掌刑而屬於秋官秋者天氣肅殺而刑以義為主也刑官司至於寇則刑官之事無不舉矣○澄按周官司寇掌邦禁詰姦慝刑暴亂既此以考之其本既多舛錯仍有不經之說使人惑焉今考其舛錯者辨而明之其不經者亦畧論其尤者他官之文錯在此者併出而各屬之於彼

惟王建國辨方正位體國經野設官分職以為民極乃立秋官

司寇使帥其屬而掌邦禁以佐王刑邦國

大司寇之職掌建邦之三典以佐王刑邦國詰四方一曰刑新

國用輕典二曰刑平國用中典三曰刑亂國用重典

詰猶言究治也新國者新辟地立君之國用輕典者其民未

習於教宜以柔克治之也平國者承平守成之國用中典者

民已熟於教宜以正直治之也亂國者篡弑叛逆之國其民

不幸於教宜以剛克治之使不敢爲惡此三者所謂惟敬五

刑以成三德也

以五刑紂萬民一曰野刑上功紂力二曰軍刑上命紂守三曰

鄉刑上德紂孝四曰官刑上能紂職五曰國刑上愿紂暴

紂猶察也功農功也力勸力也命謂將命守謂不失部伍也

德謂六德孝謂善事父母能謂能其事職謂修其職愿慤慎

也暴當作恭言不恭者當紂也

以圜土聚教罷民凡害人者寘之圜土而施職事焉以明刑耻

之其能改者反于中國不齒三年其不能改而出圜土者殺

音疲

圜土獄城也聚罷民其中而困苦之以教之爲善也罷民者

民不懲作勞有似於罷也施職事謂以所能役使之以明刑

耻之謂書其罪惡於大方版而著其背使知愧耻也反于中

國謂舍之而使還故里也不齒三年謂不得以年次列于平

民也出圜土謂囚之逃亡者著百畧反

以兩造禁民訟入束矢于朝然後聽之以兩劑禁民獄入鈞金

三日乃致于朝然後聽之

澄按古有贖刑之法特爲有過誤之可赦者設也不聞凡有獄訟皆入矢與金於官然後受而聽之也鄭氏曰請訟以財貨相告獄以罪名相告夫民之爭辨者皆訟也既訟而累繫者皆獄也必曰貨財相告然後謂之訟則其爭辨者不謂之訟耶凡民之相訟無非有罪名者也何必以此名獄哉况先王之時爲弓矢自有其官戎器又不許鬻於市民何從而得束矢以入于朝貧者又何由必備鈞金而後與人訟使必入束矢鈞金而後聽其訟是老吏賣法者之所爲也周家之法豈若是乎夫所謂兩造者兩訟之人至於其前而面辨其曲直也兩劑者兩訟之人所書之詞歟既有兩造之人必有兩劑之詞又何可分爲二一則使之入矢一則令之入金必待入矢與金而後聽訟獄則貧而無矢與金者若有不平之事何處赴愬哉

以嘉石平罷民凡萬民之有罪過而未屬於法而害於州里者桎梏而坐諸嘉石役諸司空重罪旬有三日坐暮役其次九日坐九月役其次七日坐七月役其次五日坐五月役其次三日坐三月役使州里任之則宥而舍之

此又言罪之小也嘉石文石也樹之外朝門左平成也成之使善也民有罪而未麗于法屬附也謂罪輕而未入於法也木在足曰桎在手曰梏役諸司空謂坐嘉石之日訖使給百工之役也使州里任之任保也役之月訖又使州里之人保

任其不可再犯然後寬而釋之也

以肺石達窮民九遠近惇獨老幼之欲有復於上而其長弗達者立於肺石三日士聽其辭以告於上而罪其長

肺石赤石也窮民天民之窮而無告者無兄弟曰惇無子孫曰獨有復於上謂有所告復於王與六卿也長諸侯或卿遂大夫也

正月之吉始知布刑于邦國邾鄙乃縣刑象之灋于象魏使萬民觀刑象挾日而斂之九邦之大盟約泣其盟誓而登之于天府大史內史司會及六官皆受其貳而載之九諸侯之獄訟以邦典定之九卿大夫之獄訟以邦灋斷之九庶民之獄訟以邦成弊之弊音文

天府謂祖廟之藏也邦典六典也邦法八法也邦成八成也弊斷也

大祭祀奉大牲若禋祀五帝則戒之日泣誓百官戒于百族及納享前王祭之日亦如之奉其明水火

澄按祭祀之事宗伯掌禮之職也刑獄之官非所當預惟此文既外故大司烜氏俱隨而列之秋官今既歸大司烜氏於春官則此錯文亦可削焉則禮官專掌禮刑官專掌刑不致相侵職也

凡朝覲會同前王大喪亦如之大軍旅蒞戮于社九邦之大辜使其屬蹕

屬者士師以下也蹕止行也

小司寇之職掌外朝之政以致萬民而詢焉一曰詢國危二曰  
詢國遷三曰詢立君其位王南鄉三公及州長百姓北面群臣  
西面群吏東面小司寇擯以叙進而問焉以衆輔志而敷謀弊  
音蔽

外朝在雉門之外詢謀也國危謂有兵寇國遷謂徙都改邑  
立君謂無冢適選於庶也群臣卿大夫士也群吏府史也擯  
謂揖之使前也

以五刑聽萬民之獄訟附于刑用情訊之至于旬乃弊之讀書  
則用灋凡命夫命婦不躬坐獄訟凡王之同族有罪不即市

附猶著也用情訊之謂以情理訊問之冀有可以出之也讀  
書則用法如今時讀鞫己乃論之也不躬坐獄訟謂訟于官

者當使其屬及子弟也同族不即市謂刑諸甸師氏也

以五聲聽獄訟求民情一曰辭聽二曰色聽三曰氣聽四曰耳  
聽五曰目聽

辭聽者觀其出言不直則煩色聽者觀其顏色不直則赧然  
氣聽者觀其氣息不直則喘耳聽者觀其聽聆不直則惑目  
聽者觀其眸子不直則眊然

以八辟麗邦灋附刑罰一曰議親之辟二曰議故之辟三曰議  
賢之辟四曰議能之辟五曰議功之辟六曰議貴之辟七曰議  
勤之辟八曰議賓之辟

辟音開

麗附著也議親若宗族有罪先請是也議故謂舊知也議賢  
若廉更有罪先請是也議能謂有道藝者議功謂有大勳勞



者議貴若吏墨綬以上有罪先請是也議勳謂憔悴以事國者議賔謂所不臣者若三恪王者之後是也墨綬漢法繫今六百石銅印墨綬

以三刺斷度民獄訟之中一曰訊群臣二曰訊群吏三曰訊萬

民聽民之所刺宥以施上服下服之刑刑去聲

刺殺也中謂刑之當罪也訊問也聽民所刺宥者民言殺則

殺言寬則寬也上服劓墨也下服宮刑也

及大比登民數自生齒以上登于天府內史司會冢宰貳之以制國用小祭祀奉犬牲九種祀五帝實鑊水納于亦如之大賓客前王而辟后世子之喪亦如之小師泣戮九國之大事使其鬻蹕孟冬祀司民獻民數於主王拜受之以圖國用而進退之

澄按司寇職掌邦禁官雖有大小之殊而其職則必無彼之異今考小司寇之文其末有衍詞曰及大比登民數小祭祀奉犬牲大賓客后世子喪前王辟孟冬祀司民獻民數於

王若此之類豈刑官之職歟既曰登民數又曰獻民數辭已重複若論制國用則屬冢宰登民數則屬司空祭祀奉牲又

屬宗伯文既錯雜職亦淆亂是安得為司寇耶請削而黜之於施上服下服之刑之下即次之以歲終則令群士計獄弊

訟則文續而意完小司寇之職亦專掌而不雜矣

歲終則令群士計獄弊訟登中于天府正歲帥其屬而觀刑象

今以木鐸曰不用灋者國有常刑令群士乃宣布于四方憲刑

林秀命其屬入會及致事會音檜

答中于天府謂上其所斷獄訟之數憲刑禁憲長懸之也謂以刑禁懸之也

士師之職掌國之五禁之灋以左右刑罰一曰宮禁二曰官禁三曰國禁四曰野禁五曰軍禁皆以木鐸徇之于朝書而懸于門間左音佐縣音玄

士察也主察獄訟之事也左右助也謂佐助國家之禁民爲非也宮王宮也官官府也國城中也野郊野也軍軍旅也古之禁書亡矣今宮門有符籍官府有無故擅入城門有離載下帷皆所當禁野有野律軍則有講置夜行之禁也

以五戒先後刑罰毋使罪麗于民一曰誓用之于軍旅二曰誥用之于會同三曰禁用諸田役四曰糾用諸國中五曰憲用諸

都鄙

先後猶左右也以言祈之曰誓若湯誓之類以言告之曰誥若康誥之類止使勿爲曰禁察其有犯曰糾表而縣之曰憲以五戒左右其刑罰則無犯法之民矣

掌鄉合州黨族間比之聯與其民人之什伍使之相安相受以比追胥之事以施刑罰慶賞掌官中之政令察獄訟之辭以詔司寇斷獄弊訟致邦令

鄉合鄉所合也聯者所以聯其居也追追寇也胥作偕謂司捕盜賊也弊訟決獄也致邦令者以法報之

掌士之八成一曰邦約二曰邦賊三曰邦謀四曰犯邦令五曰擄邦令六曰爲邦盜七曰爲邦朋八曰爲邦誣

八成謂正亂之成法也。洵讀如斟酌之酌，謂刺探邦之機密而泄於外者也。賊謂潛謀陰結將為逆亂者，謀謂敵國行間覬伺虛實者，令謂故恃傲狠以干號令者，矯讀如矯詐之矯，謂詐為符璽以行號令者，盜謂竊取國之寶藏者，朋謂私黨相阿使亂政者，誣謂誣罔造妖以惑衆者。

若邦凶荒則以荒辨，辨當作既約音要之灋治之，令移民通財，糾守緩刑，凡以財獄訟者正之，以傳別約劑。

荒賤之法謂減膳自貶責之類，移民謂就賤救困也，通財補不足也，糾守防盜賊也，緩刑舒民心也，傳別謂為券書以分別之而各得其一也，約劑謂信約之辭也。

若祭勝國之社稷則為之尸，王燕出入則前驅而辟。

勝國之社，亳社也，亡國之社，稷以刑官為尸畧之也。

祀五帝則沃尸及王，與涑鑊水九，刳珥則奉犬牲。

澄按犬牲一物，大司寇奉之，小司寇又奉之，士師又奉之，文已重複，况考之，犬人犬牲止用之，小祭祀，大祭祀弗用也，則知大司寇奉之之文，舛謬無疑，至於用之於小祭祀之祭，又不應與小司寇及士師二人而同一物也，鑊水亦一物也，小司寇既實之矣，士師又洎之焉，亦不應二人同實一物也，不唯其文重複，亦非刑官所麗之職。

諸侯為賓則帥其屬而蹕于王宮，大喪亦如之，大師帥其屬而禁逆軍旅者，與犯師禁者而戮之，歲終則令正，要會正歲，帥其屬而憲禁令于國及郊野。

賓謂諸侯來朝若燕饗時逆軍旅謂反將命者犯師禁謂干  
行陳者正要會定其計簿也將去聲行戶剛反陳直刃反

鄉士掌國中各掌其鄉之民數而糾戒之聽其獄訟察其辭辨  
其獄訟異其死刑之罪而要之旬而職聽于朝司寇聽之斷其  
獄弊其訟于朝群士司刑皆在各屬其灋以議獄訟獄訟成士  
師受中協日刑殺肆之三日若欲免之則王會其期要音腰斷  
音殿

掌國中謂國中至百里郊也九六鄉之獄皆在國中要之者  
謂為其罪法之要辭如令之効也屬附也受中謂受獄訟之  
成也協日刑殺謂可刑殺之日也肆之謂陳尸市朝免猶赦  
也王會其期謂王欲赦其人則鄉士職聽于朝司寇聽之之

日則王以此時親往議之也

大祭祀大喪紀大軍旅大賓客則各掌其鄉之禁令帥其屬夾  
道而蹕三公若有邦事則為之前驅而辟其喪亦如之九國有  
大事則戮其犯命者

屬中士以下也前驅為之道也

遂士掌四郊各掌其遂之民數而糾其戒令聽其獄訟察其辭  
辨其獄訟異其死刑之罪而要之二旬而職聽于朝司寇聽之  
斷其獄弊其訟于朝群士司刑皆在各屬其灋以議獄訟獄訟  
成士師受中協日就郊而刑殺各於其遂肆之三日若王欲免  
之則王令三公會其期

掌四郊謂百里外至二百里也九六遂之獄在四郊

若邦有大事聚衆庶則各掌其遂之禁令帥其屬而蹕六卿若有邦事則爲前驅而辟其喪亦如之九郊有大事則戮其犯命者

大事王所親也六鄉在內故曰國六遂在外故曰郊

縣士掌野各掌其縣之民數糾其戒令而聽其獄訟察其辭辨其獄訟異其死刑之罪而要之三旬而職聽于朝司寇聽之斷其獄弊其訟于朝群士司刑皆在各屬其灋以議獄訟獄訟成士師受中協日刑殺各就其縣肆之二日若欲免之則王命六卿會其期

掌野謂自三百里至四百里大夫所食也

若邦有大事聚衆庶則各掌其縣之禁令若大夫有邦事則爲

之前驅而辟其喪亦如之九野有大事則戮其犯命者

朝二守建邦外朝之灋左九棘孤卿大夫位焉群士在其後右九棘公侯伯子男位焉群吏在其後向三槐三公位焉州長衆庶在其後左嘉石平罷民焉右肺石達窮民焉長丁文反罷音皮

王有五門外曰臯門二曰雉門三曰庫門四曰應門五曰路

門路門又曰畢門天子諸侯皆有三朝外朝一內朝二外朝

在路門外內朝在路門內一日王五門雉門爲中門設兩廡

與今之宮門同闔人幾出入於是也群士謂在朝之上士中

士下士也群吏謂府史也樹以槐棘者棘取其赤心而外刺

槐取其懷人而黃中嘉石肺石當在雉門外左右蓋雉門幾

出入則窮民不得入也

帥其屬而以鞭呼趣且辟禁慢朝錯立族談者凡得獲貨賄人  
民六畜者委于朝告于士旬而舉之大者公之小者庶民私之  
慢朝謂臨朝不肅敬者錯立族談謂違其位而傳語也傳衆  
也人民謂刑人奴隸逃亡者凡俘獲之物必委之于朝待來  
者識之十日之外無來取者則大物沒於公家小物以與庶  
民也傳子損反

凡士之治有期日國中一旬郊二旬野三旬都三月邦國暮期  
內之治聽期外不聽凡有責者有判書以治則聽凡民同貨財  
者令以國灋行之犯令者刑罰之凡屬責者以其地傳而聽其  
辭凡盜賊軍鄉邑及家人殺之無罪凡報仇讎者書於士殺之

無罪

治獄之日皆有限期鄉士旬而職聽於朝遂士二旬縣士三  
旬方士九旬諸侯之國以一年爲期也在期內者皆聽其訟  
出期之外則不聽之亦息訟之道也古者出責必有息判半  
分而合者券書也若今時訟辭有券書者爲治之同貨財者  
謂富人畜積者多時收斂之乏時以國服之法出之雖有騰  
躍其贏不得過此以利出者與取者過此則罰之若漢世加  
貴取息則坐贓也屬責謂轉責使人而歸之而本主死亡若  
其親屬貸還貨財則多寡之數或相抵冒必以其地之人相  
比近而能爲証者乃受其辭而治之否則不聽也凡盜賊軍  
鄉邑及家人謂盜賊群輩如軍攻剽鄉邑及家人也殺之無

罪謂凡民皆得殺之也若漢法無故入人室廬上人車船牽  
引人欲犯法者其時格殺之無罪也凡報讐者書于士謂先  
言於士官然後殺之則無罪也

若邦凶荒札喪寇戎之故則令邦國都家縣鄙慮刑貶  
慮謀也貶猶減也謂當災害之歲則當圖謀緩刑且減國用  
爲民困故也

方士掌都家聽其獄訟之辭辨其死刑之罪而要之三月而上  
獄訟于國司寇聽其成于朝群士司刑皆在各麗其灋以議獄  
訟獄訟成士師受中書其刑殺之成與其聽獄訟者

掌都家謂四百里至五百里公所食也成平也春秋傳曰晉  
邢侯與雍子爭鄙田久而無成都家之吏自協日刑殺但書

其成與治獄之吏姓名備反覆有失實者鄒許六反

凡都家之大事聚衆庶各掌其方之禁令以時脩其縣灋若歲  
終則省之而誅賞焉凡都家之士所上治則主之

縣法縣師所掌邦國都鄙稍甸郊野之地域而辨其大家入  
民田菜之數及其六畜車輦之稽方士以四時脩此法歲終  
又省之則與掌民數亦相近都家之士都士家士也所上治  
者謂獄訟之小事不附罪者也主之謂告於司寇

訝士掌四方之獄訟諭罪刑于邦國凡四方之有治於士者造  
焉四方有亂獄則往而成之邦有賓客則與行人送逆之入于  
國則爲之前驅而辟野亦如之居館則帥其屬而爲之蹕誅戮  
暴客者客出入則道之有治則贊之凡邦之大事聚衆庶則讀

其誓禁造七報反

訝迎也四方之獄訟謂諸侯之獄訟者有治於士者造焉謂讞疑辨事先來詣於訝士乃通之於士師也如漢世郡國亦時遣主吏詣廷尉議者亂獄謂若君臣宣滌上下相虐者猶漢遣呂步舒治淮南獄是也往成之謂往其國正其罪也賓客謂四方諸侯來朝覲者行人謂掌賓客之官送逆謂來迎而去送也出入謂朝覲於王時也

司刑掌五刑之灋以麗萬民之罪墨罪五百劓罪五百宮罪五百剕罪五百殺罪五百若司寇斷獄弊訟則以五刑之灋詔刑罰而以辨罪之輕重

麗附也立如是之法而附如是之罪也墨黥也刺其面而以

墨涅之劓截鼻也今東西夷或以墨劓為俗或古刑人之逃者之世類是也宮者淫刑也男子割其勢女子幽之永巷中若今宦男女也剕斷足也周改贖作剕殺死刑也此與呂刑五刑之屬不同自重而之輕也書傳曰決關梁喻城郭而畧盜者其刑贖男女不以義交者其刑宮觸易君命革輿服制度姦軌盜攘傷人者其刑劓非其事而事之出入不以道義而誦不詳之辭者其刑墨降辟寇賊劫畧攘奪矯虔者其刑死又按夏刑劓墨各千宮辟五百宮刑三百大辟二百呂刑云墨罰之屬千劓罰之屬千剕罰之屬五百宮罰之屬三百大辟之罰其屬二百其五刑之屬二千則同而其中之多寡則異也周官司刑則五刑止於二千五百蓋司刑之大辟五



百則過多故穆王又從而損益之歟

三禮考註卷之十一

